

經史證類大觀本草

經史證類大全本草卷之四




玉石部中品




金銀鐵
鹽土等

階州雄黃



階州雄黃

階州水窟雄黃



雄黃味苦甘平寒大温有毒主寒熱鼠瘻惡瘡疽痔

死肌療疥蟲蠶瘡目痛鼻中息肉及絕筋破骨白節

中大風積聚癖氣中惡腹痛鬼疰殺精物惡鬼邪氣

百蟲毒勝五兵殺諸蛇虺毒解藜蘆毒悅澤人面鍊

食之輕身神仙餌服之皆飛入人腦中勝鬼神延年

益壽保中不飢得銅可作金一名黃食石生武都山

谷燉煌山之陽採無時陶隱居云鍊服之法皆在仙經中

來氏羌中紛擾此物絕不復通人間時有三五兩其價如金合

丸皆用石門始興石黃之好者爾始以齊初涼州互市微有所

得將至都下余最先見於使人陳典籤處檢獲見十餘片伊輩

不識此是何等見有挾雄黃或謂是丹砂示吾吾乃示語并又

屬覓於是漸漸而來好者作雞冠色不臭而堅實若黧黑及虛
軟者不好也武都氏羌是為仇池宕昌亦有與仇池正同而小
劣燉煌在涼州西數千里所出者未嘗得來江東不知當復云
何此藥最要無所不入唐本注云出石門名石黃者亦是雄黃
而通名黃食石而石門者最為劣爾宕昌武都者為佳塊方數
寸明徹如雞冠或以為枕服之辟惡其青黑堅者不入藥用若

火飛之而療瘡亦無嫌又云惡者名熏音訓黃用熏瘡疥故名
之無別熏黃也正觀年中以宕州新出有得方數尺者但重脆
不可全致之爾臣禹錫等謹按吳氏云雄黃神農苦山陰有丹
雄黃生山之陽故曰雄是丹之雄所以名雄黃也水經云黃水
出零陽縣西北連巫山溪出雄黃頗有神異採常以冬月祭祀
鑿石深數丈方得故溪水取名焉抱朴子云雄黃當得武都山
所出者純而無雜其赤如雞冠光明晔晔者乃可用耳其但純
黃似雌黃色無光者不任作仙藥可以合理病藥耳藥性論云
雄黃金苗也殺百毒又名黃石味辛有大毒能治口疰辟百邪
鬼魅殺蠱毒人佩之鬼神不能近入山林虎狼伏涉川濟毒物
不敢傷蕭炳云雄黃君陳藏器云按石黃今人敲取中精明者
為雄黃外黑者為熏黃土惡瘡殺蠱熏瘡疥蟻蝨及和諸藥熏
嗽其武都雄黃燒不臭熏黃中者燒則臭以此分別之蘇云通
名未之是也日華子云雄黃微毒治疥癬風邪癩癧嵐障一切
蛇蟲犬獸傷咬久服不飢通赤亮者為上驗之可以熒
蟲死者為真臭氣少細嚼口中含湯不激辣者通用

圖經曰

雄黃生武都山谷燉煌山之陽今階州山中有之形
塊如丹砂明徹不挾石其色如雞冠者為真有青黑

色而堅者名重音訓黃有形色似真而氣臭者名臭黃並不入
服食藥只可療瘡疥耳其臭以醋洗之便可斷氣足以亂真用
之尤宜細辨又階州接西戎界出一種水窟雄黃生於山巖中
有水泉流處其石名青煙石白鮮石雄黃出其中其塊大者如
胡桃小者如粟豆上有孔竅其色深紅而微紫體極輕虛而功
用勝於常雄黃丹竈家尤所貴重或云雄黃金之苗也故南方

近金坑治處時或有之但不及西來者真好耳謹按雄黃治瘡
瘍尚矣周禮瘍醫凡療瘍以五毒攻之鄭康成注云今醫方有
五毒之藥作之合黃致音武置石膽丹沙雄黃礬石磁石其中
燒之三日三夜其煙上著以雞羽掃取之以注割惡肉破骨則
盡出故翰林學士楊億嘗筆記直史館楊岷年少時有瘍生於
頰連齒輔車外腫若覆甌內潰出膿血不輟吐之痛楚難忍療
之百方彌年不差人語之依鄭法合燒藥成注之創中少頃朽
骨連兩牙潰出遂愈後便安靈信古方攻病之速也黃莖若今
市中所貨有蓋瓦合也近世合丹藥
猶用黃瓦甌亦名黃莖事出於古也

雷公云

凡使勿用黑雞黃自死黃夾臙黃其臭黃真似雄
黃只是臭不堪用時人以醋洗之三兩度便無臭

氣勿誤用也次有夾臙黃亦似雄黃其內一重黃一重石不堪
用次有黑雞黃亦似雄黃如烏雞頭上冠也凡使要似鷓鴣鳥
肝色為上凡修事先以甘草紫背天葵地膽碧稜花四件並細
剉每件各五兩雄黃三兩下東流水入坩堝中煮三伏時漉出
搗如粉水飛澄去黑者燉乾再研方入藥用其內有劫
鐵石是雄黃中有又號劫矢黃能劫於鐵並不入藥用

聖惠

方治傷寒狐惑毒蝕下部肛外如蠶痛痒不止以雄黃半兩先
用瓶子一箇口稍大者內入灰上如裝香火將雄黃燒之候

煙出當病
處熏之

外臺秘要

治骨蒸極熱以一兩和小便一升研如
粉乃取黃理石一枚方圓可一尺以炭

火燒之三食頃極熱灌雄黃汁於石上恐大熱不可近宜著一
片薄氈置石上令患人脫衣坐石上冷停以衣被圍遶身勿令

藥氣泄出經三五度差

又方

被毒箭搗為末傳之沸汁出愈亦療蛇咬毒

千金方

治婦人始覺有

一兩絡囊成帶之

又方

治耳聾以雄黃硫磺等分為末綿裹塞耳中

又方

中

鬼擊及刀兵所傷血漏腹中不出煩滿欲絕雄黃粉酒服一刀圭日三服化血為水

又方

治癥瘕積聚去三尺益氣

延年却老以雄黃二兩細研為末九度水飛過却入新淨竹筒內盛以蒸餅一塊塞筒口蒸七度用好粉脂一兩為丸如棗豆

又方

治瘡血內漏以雄黃

大日三服酒下七丸九年後道成益力不飢玉女來侍

肘後方

金瘡血內漏以雄黃未如大豆內瘡中又

服五錢匕血皆化為水卒以小便服之

經驗方

治馬汗入肉雄黃白礬等分更用烏梅三箇槌碎巴豆一箇合

研為細末以半錢匕油調傳患處

斗門方

辟魔以一塊帶頭上妙

博濟方

治偏頭疼至靈散雄

黃細辛等分研令細每用一字已下左邊疼嗅入右鼻右邊疼嗅入左鼻立効

續十全方

治纏喉風雄黃一塊

新汲水磨急灌吐下差

集驗方

治卒魘雄黃搗為末細篩以管吹入鼻孔中

傷寒類要

治小

腹痛滿不得小便及療天行病雄黃細研蜜丸如棗核內溺孔中

又方

殺齒蟲以末如棗塞牙間

抱朴

子餌之法或以蒸煑或以酒服或以消石化為水乃凝之或以猪胆裹蒸之於赤土下或以松脂和之或以三物煉之引之如布白如冰服之皆令人長生百病除三尸下癥瘕白髮黑墮齒生千日玉女來侍可使鬼神又云玉女常以黃玉為誌大

如黍米在鼻上是真玉女無此誌者鬼試人也帶雄黃入山林
即不畏蛇若蛇中人以少許末傳之登時愈蛇雖多種唯蝮蛇
及青金蛇中人為至急不治一日即死人不曉治之方術者為
一蛇中人即以刀急割瘡肉投地其肉佛如火炙須臾盡焦而
人得活也此蛇七月八月毒盛之時不得嚙
人其毒不泄乃以牙刺大竹木即亦焦枯

太平廣記

劉無名成

都人也志希延生謂古方草木之藥但愈疾得效見火輒為灰
燼自不能固豈有延生之力哉乃入霧中山嘗遇人教服雄黃
凡三十餘年一日有二人赤巾朱服徑詣其室劉問何人對曰
我泰山直事追攝子耳不知子以何術我已三日冥期迫促而
無計近子將欲陰符誥責以稽延獲罪故見形相問劉曰余無
他術但冥心至道不視聲利靜處幽山志希度世而已二使曰
子之黃光照灼於頂迨高數尺得非雄黃之功乎今子三尸已
去而積功未著大限既盡將及死期豈可苟免劉聞其語心竄
憂迫不知所為二使謂之曰岷峨青城神仙之府可以求真師
訪尋要道我聞鈔承朱髓可致冲天此非高真上仙須得修鍊
之旨復入青城北崖之下見一洞行數里忽覺平博殆非人世
遇神仙居其間云青城劉真人劉析叩再三具述所值鬼使追
攝之由願示要道以按沉淪賜度生死之苦真人指一巖室使
栖止其中復令齋心七日乃視其陽爐陰鼎柔金鍊化水玉之
方伏承鍊鈔成朱髓之訣孤剛于陰長生皆得此道亦名金液
九丹之經丹分三品以鈔為君以承為臣八石為使黃芽為田
君臣相得運火功全七日為輕冰二七日變紫鋒二七日五彩
具內赤上黃狀如窻塵復運火二年日周六百再經四時重履

長至初則十月離胞胎已成初品即能乾汞成銀丸而服之可以祛疫二年之外服者延年益壽白髮返黑三年之後服之刀圭散居名山周遊四海為初品地仙服之半劑變化萬端坐在立去駕馭飛龍白日昇天大都此藥經十六節已為中品便能使人長生藥成之日五金八石黃牙諸物與君臣二藥不相雜亂千日功畢名上品還丹謹而藏之勿示非人世有其人視形氣功行合道依而傳之劉受丹訣還霧中山築室修鍊三年乃成開成二年猶駐於蜀自述無名傳以示後人入青城山去不知所矣

太上八帝玄變經
小丹法用雄黃柏子拘魂制鬼方
柏子細篩去滓松脂十斤以和柏

子雄黃各二斤色如赤李合藥白中復搗如蒸藥一日
如餌正坐北向平旦頓服五九百日之後與神人交見

雜錄
有黃門奉使交廣回周顧謂曰此人腹中有蛟龍上驚
問黃門曰卿有疾否曰臣馳馬大庾嶺時當大熱困且

渴遂飲水覺腹中堅痞如石周遂以消石及雄黃煮服之立吐
一物長數寸大如指視之鱗甲具投之水中俄頃長數尺復以

苦酒沃之如故以器覆之明
日已生一龍矣上甚訝之

唐書
甄立言究習方書仕唐為
太常丞有道人心腹滿煩

彌二歲立言診曰腹有蠱誤食髮而然令餌雄黃一
劑少選吐一蛇如人小指惟無目燒之有髮氣乃愈

寶藏論


丹

雄黃若以草藥伏住者熟鍊成汁胎色不移若將制諸藥
成汁并添得者上可服食中可點銅成金下可變銀成金

房鏡源
雄黃千年
化為黃金


海鹽





解鹽





食鹽味鹹温無毒主殺鬼蠱邪疰毒氣下部匿瘡傷

寒寒熱吐胃中痰癖止心腹卒痛堅肌骨多食傷肺

喜效陶隱居云五味之中惟此不可闕有東海北海鹽及河

東鹽池梁益鹽井交廣有南海鹽西羌有山鹽胡中有

樹鹽而色類不同以河東者為勝東海鹽官鹽百草粒細北海

鹽黃草粒麤以作魚鮓及鹹菹乃言北勝而藏鹹必用鹽官者

蜀中鹽小淡廣州鹽鹹苦不知其為療體復有優劣否西方北

方人食不耐鹹而多壽少病好顏色東方南方人食絕欲鹹而

少壽多病便是損人則傷肺之效矣然以浸魚肉則能經久不

敗以沾布帛則易致朽爛所施處各有所宜也

米部今移臣禹錫等謹按蜀本云多食令人失色膏黑損筋力

也藥性論云鹽有小毒能殺一切毒氣鬼疰氣主心痛中惡或

連腰臍者鹽如雞子大青布裹燒赤內酒中頓服當吐惡物主

小兒卒不尿安鹽於臍中炙之面上五色瘡鹽湯綿浸搗瘡上

日五六度易差又和槐白皮切蒸洽脚氣又空心揩齒少時吐

水中洗眼夜見小字良洽婦人隱處疼痛者鹽青布裹熨之主

鬼疰尸疰下部蝕瘡炒鹽布裹坐熨之兼主火灼瘡

陳藏器云

按鹽本功外除風邪吐下惡物殺蟲明目去皮膚風毒調和腑

藏消宿物令人壯健人卒小便不通炒鹽內臍中即下陶公以

為損人斯言不當且五味之中以鹽為主四海之內何處無之

惟西南諸夷稍少人皆燒竹及木鹽當之

日華子云暖水藏及

霍亂心痛金瘡明目止風淚邪氣一切蟲傷瘡腫消食滋五味

長食補皮膚通大小便小兒疝氣并內腎氣以葛袋盛於戶口懸之父母用手撚抖盡即疾當愈

圖經曰

食鹽舊不著所出州郡陶隱居云有東海北海鹽及河東鹽池梁益有鹽井交廣有南海鹽西羌有山鹽

胡中有木鹽而色類不同以河東者為勝河東鹽今解州安邑兩池所種鹽最為精好是也又有并州兩監末鹽乃刮鹹煎鍊

不甚佳其鹹蓋下品所著鹵鹹生河東鹽池者謂此也下品又有大鹽生邯鄲及河東池澤蘇恭云大鹽即河東印鹽人之常

食者形蠱於末鹽乃似今解鹽也解人取鹽於池傍耕地沃以池水每鹽南風急則宿昔成鹽滿畦彼人謂之種鹽東海北海

南海鹽者今滄密楚秀温合明泉福廣瓊化諸州官場煮海水作之以給民食者又謂之澤鹽醫方所謂海鹽是也其煮鹽之

器漢謂之牢盆今或鼓鐵為之或編竹為之上下周以蜃灰廣丈深尺平底實於竈皆謂之鹽盤南越志所謂織篋為鼎和以

牡蠣是也然後於海濱掘地為坑上布竹木覆以蓬茅又積沙於其上每潮收種沙鹵鹹淋於坑中水退則以火炬照之鹵氣

衝火皆滅因取海鹵注盤中煎之頃刻而就管子曰齊有渠展之鹽伐蕓薪煮海水征積之十月始生至于正月成二萬是也

蕓薪謂以茅蕓然火也梁益鹽井者今歸州及四川諸郡皆有鹽井汲其水以前作鹽如煮海法但以食彼方之民耳西羌山

鹽胡中木鹽者即下條云光明鹽生鹽州下品有戎鹽生胡鹽山及西羌北地酒泉福祿城東南角北海青南海赤者是也然

羌胡之鹽種類自多陶注又云虜中鹽有九種白鹽食鹽常食者黑鹽柔鹽赤鹽駁鹽臭鹽馬齒鹽之類今人不能徧識醫家

治眼及補下藥多用青鹽疑此即戎鹽而本經云北海青南海赤今青鹽從西羌來者形塊方稜明瑩而青黑色最奇北胡來者作大塊而不光瑩又多孔竅若蜂窠狀色亦淺於西鹽彼人謂之鹽枕入藥差劣北胡又有一種鹽作片骨如碎白石彼人亦謂之青鹽緘封於匣中與鹽枕並作禮贄不知是何色類又階州出一種石鹽生山石中不由煎煉自然成鹽色甚明瑩彼人甚貴之云即光明鹽也醫方所不用故不能盡分別也又通泰海州並有停戶刮鹹煎鹽輸官如并州未鹽之類以供給江湖極爲饒衍其味乃優於并州未鹽也濱州亦有人戶煎鍊草土鹽其色最麤黑不堪入藥但可噉馬耳又下有綠鹽條云以光明鹽硃砂青銅屑釀之爲塊綠色真者出焉昔國水中石下取之狀若扁青空青今不聞識此者醫方亦不用唐柳柳州纂救三死治霍亂鹽湯方云元和十一年十月得乾霍亂上不可吐下不可利出冷汗三大斗許氣即絕河南房偉傳此湯入口即吐絕氣復甦其法用鹽一大匙熬令黃童子小便一升二物溫和服之少頃吐下即愈劉禹錫傳信方著崔中丞鍊鹽黑丸方鹽一升擣末內麤甕瓶中實築泥頭訖初以塘火燒漸漸加炭火勿令瓶破候赤徹鹽如水汁即去火其鹽冷即疑破瓶取之豉一升熬焦桃仁一大兩和麩熬令熟巴豆二大兩去心膜紙中熬令油出須生熟得所熟即少力生又損人四物各用研擣成熟藥秤量蜜和丸如梧子每服三九皆平旦時服天行時氣豉汁及茶下並得服後多喫茶汁行藥力心痛酒下入口便止血痢飲下初變水痢後便止鬼瘧茶飲下骨熱白蜜湯下忌冷漿水合藥久則丸稍加令大凡服藥後吐痢勿怪服藥一日

忌口兩日吐痢者若多即煎黃連汁服止之平日服藥至小食時已來不吐痢者或遇殺藥人即更服一兩丸投之其藥冬中合臘月尤佳薏合子中盛貯以臘紙封之勿令洩氣清河崔能云合得一劑可救百人天行時氣卒急覓諸藥不得又恐過時或在道途或在村落無諸藥可求但將此藥一刀圭即敵大黃朴消數兩曾試有效宜行於閭里間及所使輩若小兒女子不可服多被攪作耳唐方又有藥鹽法出於張文仲唐之士大夫多作之

食療

蠅蚘尿瘡鹽三升水一斗煮取六升以綿浸湯淹瘡上又治一切氣及腳氣取鹽三升蒸候熱分裹近壁脚踏

之令脚心熱又和槐白皮蒸用亦治脚氣夜夜與之良又以皂莢兩挺鹽半兩同燒令通赤細研夜夜用揩齒一月後有動者

齒及血蠶齒並差其齒牢固聖惠方治小兒臍風濕以鹽二兩豉二合相

炙令熱以熨臍上差又方治肝藏氣虛風冷搏於筋徧體轉

亦用黃蘗末傳之又方治入腹不可忍熱湯三斗入鹽半

斤稍熱外臺秘要治胃心痰飲傷寒熱病瘴瘧須吐者以鹽

漬之効又方治天行後兩脇脹滿煎鹽熨又方療風身

不快明旦又方治如小便澀亦用熨臍下又方體如蟲

更服甚良行鹽一斗水一石煎減半澄清千金方治齒齬宣露每日捻

溫洗浴三四度亦療一切風千金方鹽內口中以熱水含

編齒百編不過又方治逆生以鹽塗兒足底又可急

五日齒即牢密又方爪搔之并以鹽摩產婦腹上千金

翼方

凡諸瘡癬初生或始痛痒以單方救不效嚼鹽塗之妙

肘後方

治中風但腹中切痛以鹽半斤

熬令水盡著口中飲熱湯二升得吐愈

又方

齒疼斷間出血極驗以鹽末每夜厚封齒斷上有汁歷盡乃卧其汁

出時仍叩齒勿住不過十夜疼血止更久尤佳長忌猪魚油菜等

又方

卒得風覺耳中恍恍者急取鹽五升甑蒸

使熱以耳枕之冷復易

又方

治耳卒疼痛以鹽蒸熨之

又方

手足忽生疣目以鹽傳疣上令舌舐之不

過三度

又方

治金瘡中風煎鹽令熱以匙抄溼却水熱瀉瘡上令更著一日許勿住取差大效

又方

治赤白久下穀道疼痛不可忍宜服溫湯熬鹽熨之又炙枳實熨之妙

傳信方

治蚯蚓咬濃作鹽湯浸身數遍

差浙西軍將張韶為此蟲所咬其形如大風眉鬢皆落每夕蚯蚓鳴於體有僧教以此方愈

梅師方

治心腹脹

堅痛悶不安雖未吐下欲死以鹽五合水一升煎令消頓服自吐下食出即定不吐更服

又方

治金中經脉傷皮及

諸大脉血出多心血冷則殺人宜炒鹽三撮酒調服之

又方

治蜈蚣咬人痛不止嚼鹽沃上及以鹽湯浸瘡極妙

其蜈蚣有赤足者螫人黃足者痛甚

又方

治熱病下部有蠶蟲生瘡熬鹽綿裹熨之不過三度差

孫真

人食忌

主眯眼者以少鹽并或置水視之立出

又方

主卒喉中生肉以綿裹筋頭柱鹽指日六七度

易又方

主卒中尸隨其狀腹脹氣急衝心或塊起或牽腰脊者是服鹽湯取吐

食醫心鏡

主

殺鬼蠱氣下部匿瘡傷寒寒熱吐胃中痰癖止心腹卒痛堅肌
骨黃帝云食甜瓜竟食鹽成霍亂又主大小腸不通取鹽和苦

酒傳臍中 乾即易 **廣利方** 治氣淋臍下切痛 **集驗方** 主毒箭以鹽
貼瘡上灸鹽

三十 **范汪方** 主轉筋以鹽一升水 **又方** 主目中候出不得
開即刺痛方以鹽


如大豆許內目中習習 **產寶方** 治妊娠心腹痛不可忍以一
去鹽以冷水數洗目差

酒服 **子母秘錄** 小兒撮口鹽 **後魏李孝伯傳** 鹽九種各
差




鹽主上所自食黑鹽治腹 **素問** 鹽勝血發 **丹房鏡源** 鹽
脹氣滿末之以酒服六銖

作汁拒
火之力

榮州土硫黃



廣州石硫黃



石硫黃味酸溫大熱有毒主婦人陰蝕疽痔惡血墜
筋骨除頭禿療心腹積聚邪氣冷癖在脅欬逆上氣
脚冷疼弱無力及鼻衄惡瘡下部蠶瘡止血殺疥蟲

能化金銀銅鐵奇物生東海牧羊山谷中及太山河

西山礬石液也

陶隱居云東海郡屬北徐州而箕山亦有今

黃次出外國從蜀中來色深而煌煌俗方用之療脚弱及痼冷甚良仙經頗用之所化奇物並是黃白術及合丹法此云礬石

液今南方則無礬石恐不必爾臣禹錫等謹按吳氏云硫黃一名石留黃神農黃帝雷公鹹有毒醫和扁鵲苦無毒或生易陽

或河西或五色黃是潘水石液也燒令有紫焰者八月九月採治婦人血結藥性論云石硫黃君有大毒以黑錫煎湯解之及

食宿冷猪肉味甘太陽之精鬼焰居焉伏鍊數般皆傳於作者能下氣治脚弱腰腎久冷除冷風頑痺又云生用治疥癬及瘰

寒熱效逆鍊服主虛損泄精蕭炳云硫黃臣日華子云石亭脂曾青為使畏細辛飛廉鐵壯陽道治疥癬冷氣補筋骨勞損風

勞氣止嗽上氣及下部痔瘻惡瘡疥癬殺腹藏蟲邪魅等煎餘甘子汁以禦其毒也

圖經曰

石硫黃生東海牧羊山谷中及泰山河西山礬石液也今惟出南海諸蕃嶺外州郡或有而不甚佳以色

如鵝子初出殼者為真謂之崑崙黃其赤色者名石亭脂青色者號冬結石半白半黑名神驚石並不堪入藥又有一種土硫

黃山廣南及榮州溪澗水中流出其味辛性熱腥臭主治疥瘡殺蟲毒又可煎鍊成汁以模錫作器亦如鵝子黃色謹按古方

書未有服餌疏黃者本經所說功用止於治瘡蝕攻積聚冷氣脚弱等而近世遂火鍊治為常服丸散觀其製鍊服食之法殊

無本源非若乳石之有議論節度故服之其效雖緊而其患更速可不戒之

海藥

謹按廣州記云生崑崙日脚下顆塊瑩淨無夾石者良主風冷虛憊腎冷上氣腿膝虛羸長肌膚益氣力

貴精痔漏老人風秘等並宜燒鍊服仙方謂之黃硃砂能壞五金亦能造作金色人能制伏歸本色服而能除萬病如有發動

宜以猪肉鴨羹餘甘子湯並解之蜀中雅州亦出光賦甚好功力不及船上來者

雷公云

凡使勿用青赤色及

半白半青半赤半黑者自有黃色內瑩淨似物命者貴也凡用四兩先以龍尾蒿自然汁一鎰東流水三鎰紫背天葵汁一鎰

粟遂子莖汁四件合之攪令勻一坩埚用六一泥固濟底下將硫黃碎之入於坩中以前件藥汁旋旋添入火煮之汁盡為度

了再以百部末十兩柳虫末二斤一簇草二斤細剉之以東流水并藥等同煮硫黃二伏時日滿去諸藥取出用熟甘草湯洗

了入鉢中研二萬匝方用聖惠方治諸瘡弩肉如蛇出數寸用硫黃外

臺秘要

千金療小兒時耳硫黃末以粉耳中日夜一差止

經驗方

大治元藏氣發久冷腹痛虛瀉應急大效玉粉丹生硫黃五兩青鹽一兩已上衮細研以蒸餅為丸如烹

豆大每服五丸熱酒空服以食壓之梅師方治陰生濕疱瘡取石硫黃博

濟方

治陰陽二毒傷寒黑龍丹船上硫黃一兩以柳木搗研三兩日巴豆一兩和殼記箇數用二升鐺子一口先將

硫黃鋪鐳底次用巴豆安硫黃上以嚴米醋半升已來燒之蓋子蓋合今緊密更以醋紙周回固密縫勿令透氣縫紙乾更以醋濕之文武火熬常著人守之候裏面巴豆作聲約可一半為度急將鐳子離火便入臼中急擣令細再以醋兩茶脚洗鐳中藥入臼旋入去皮蒸餅擣丸如雞頭大若是陰毒用椒四十九粒葱白二莖水一盞煎至六分帶熱吞下一元陽毒用豆豉四十九粒葱白二莖水一盞同煎吞下不得嚼破患經五六日方可服之食前喫切在度其病勢可下即與雖及日數病未傳入或未及其口病先在臟亦不可拘制矣有孕婦人亦許服或吐或瀉為候不可喫熱食或覺心頭空以溫白粥或服調氣湯散補之合時忌

玉函方

王方平通靈玉粉散治腰膝暖水藏益婦人猫狗見

五斗淋取汁煮三伏時以鐵匙抄於火上試之伏火即止候乾以大火鍛之如未伏更煮以伏為度鍛了研為散穿地坑一尺二寸投水於中待水清取水和硫末水不得多於坩堝中煎熬令如膏及用鐵錢一面不著火上以細砂隔紙慢抄出硫黃於紙上滴之自然如玉色光彩射人此號為玉粉散細研要丸以飯丸如麻子大空心每日鹽湯下十九丸散服亦鹽湯調兩字極有效驗余鄉人王昭遂合服之年九十顏貌如童夜視細字力倍常人

太清服鍊靈砂法

石


黃本出波斯國南明之境稟純陽火石之精氣而結成質性通流含其猛毒藥品之中號為將軍功能破邪歸正返帶還清挺立陽精消陰化魄

丹房鏡源

金石硫黃可乾汞訣曰此硫黃見五

硫

階州雌黃



黃水 秦始皇被神女唾之生瘡驚怖謝之神女出溫泉立愈
青霞子 硫黃散癖
孫尚藥
 治氣虛傷冷暴作水瀉日夜三二十行腹痛不止夏月路行備
 急朝真丹硫黃二兩牛角研令極細枯白礬半兩同細研勻水
 浸蒸餅去水脉了和丸如梧桐子大朱砂為衣每服十五丸至二十九丸温米飲鹽湯下

雌黃味辛甘平大寒有毒主惡瘡頭禿痂疥殺毒蟲

蝨身癢邪氣諸毒蝕鼻中息肉下部匿瘡身面白駁

散皮膚死肌及恍惚邪氣殺蜂蛇毒鍊之入服輕身

增年不老令人腦滿生武都山谷與雄黃同山生其

陰山有金金精熏則生雌黃採無時陶隱居云今雌黃

為武都仇池黃色小赤扶南林邑者謂崑崙黃色如金而似雲

母甲錯畫家所重依此言既有雌雄之名又同山之陰陽於合

藥便當以武都為勝用之既稀又賤於崑崙者仙經無單服法

雌以合丹砂雄黃共飛鍊為丹爾金精是雌黃銅精是空青而

服空青反勝於雌黃其義難了臣禹錫

等謹按藥性論云雌黃君不入湯服

圖經曰雌黃生武都山谷與雄黃同山其陰山有金金精熏

析者為佳其夾石及黑如鐵色者不可用或云一

塊重四兩者析之可得千重此尤奇好也採無時

雷公云凡使勿誤用夾石黃黑黃珀熟等雌黃一塊重四

修事勿令婦人雞犬新犯淫人有患人不男人非形人曾是刑

獄地臭穢已上並忌若犯觸者雌黃黑如鐵不堪用也及損人

壽凡修事四兩用天碧枝和陽草粟遂子草各五兩三件乾濕加一倍用堯塌子中煑三伏時了其色如金汁一梁在塌底下用東流水猛投於中如此陶三度了去水取出拭乾却於白中搗篩過研如塵可用之

聖惠方 治烏癩瘡殺蟲用雌黃研如粉以醋并雞子黃打令勻塗於瘡上乾即更塗

又方 治婦人久冷血氣攻心疼痛不止以葉子黃二兩細研醋一升煎似稠糊丸如小豆大每服無時醋湯下五丸

又方 治久心痛時發不定多吐清水不下飲食以雌黃二兩細研好醋二升慢火煎成膏用乾蒸餅丸如梧桐子大每服七丸薑湯下

百一方 天行病小腹痛滿不得小便便細末雌黃蜜丸如棗核大內溺孔中令入半寸亦以竹管拄陰令痛啣之通

經驗方 縮小便以同為末乾蒸餅入水為丸如棗豆大每服十九至二十九丸空心鹽湯

斗門方 治肺勞咳嗽以雌黃一兩入瓦合內不固濟坐下炭一斤簇定頂以火煨之三分去一退火待冷出研如麪用蟾酥為丸如粟大每日空心杏仁湯下三九差

勝金 治久嗽暴勞嗽金粟九葉子雌一兩研細用紙筋泥固濟方小合子一箇令乾勿令泥厚將藥入合子內水調赤石脂封

合子口更以泥封之候乾坐合子於地上上面以未入窰瓦坯子彈子大擁合之令作一尖子上用炭十斤簇定頂上著火一

熨斗籠起令火從上漸熾候火消三分去一看瓦坯通赤則去


火候冷開合子取藥當如鏡面光明紅色入乳鉢內細研湯浸

取水銀朱砂


蒸餅心為丸如粟米大每服三九
 五九甘草水服服後睡良久妙
 點銀成金
 丹房鏡源
 黃背陰者雌也純柔者亦可乾汞船上
 點銅成銀
 青霞子
 云雌黃碎
 邪去惡
 霜記之不可悞使

寶藏論

雌黃伏住火胎色
 不移鞣熔成汁者



煨水銀鑪



水銀味辛寒有毒主疥癩加音瘍音白禿殺皮膚中

蟲墮胎除熱以傅男子陰陰消無氣殺金銀銅錫毒

鎔化還復為丹又服神仙不死一名永生符陵平土

出於丹砂

畏磁石陶隱居云今水銀有生熟此云生符陵平土者是出朱砂腹中亦別出沙地皆青白色最勝

出於丹砂者是今燒麤末朱砂所得色小白濁不及生者甚能消化金銀使成泥人以鍍物是也還復為丹事出仙經酒和日

暴服之長生燒時飛著金上交名汞粉俗呼為水銀交最能去

者火燒飛取人皆解法南人蒸取之得水銀雖少而朱砂不損但色少變黑爾今按陳藏器本草云水銀本功外利水道去熱

毒入耳能食腦至盡入肉令百節攣縮倒陰絕陽人患瘡疥多以水銀塗之性滑重直入肉宜謹之昔北齊徐王療攣臂病以

金物火炙熨之水銀得金當出蝕金候金色白者是也如此數度並差也臣禹錫等謹按廣雅云水銀謂之項紅董切藥性論

云水銀君殺金銅毒妊女也有大毒朱砂中液也此還丹之元母神仙不死之藥伏鍊五金為泥生能墮胎主療癘疥等緣殺

蟲日華子云水銀無毒治天行熱疾催生下死胎治惡瘡除風安神鎮心鍍金燒粉人多患風或大段使作須飲酒并肥猪肉

及服鐵漿可禦其毒

圖經曰

水銀生符陵平土今出秦州商州道州邵武軍而秦州乃來自西羌界經云出於丹砂者乃是山石中採

麤次朱砂作鑪置砂於中下承以水上覆以盎器外加火燉養則煙飛於上水銀溜於下其色小白濁陶隱居云符陵平土者

是出朱砂腹中亦別出沙地皆青白色今不聞有此至於西羌來者彼人亦云如此燒燬但其山中所生極多至於一山自折裂人採得砂石皆大塊如升斗碎之乃可燒燬故西來水銀極多於南方者謹按廣雅水銀謂之頑丹竈家乃各承蓋字亦通用耳其鑪蓋上灰亦各頑粉是也又飛鍊水銀為輕粉醫家下膈最為要藥服者忌血以其本出於丹砂故也

雷公云

凡使勿用草中取者并舊朱漆中者勿用經別藥制過者勿用在屍過者半生半死者其水銀若在

朱砂中產出者其水銀色微紅收得後用胡蘆收之免遺失若先以紫背天葵并夜交藤自然汁二味同煮一伏時其毒自退若修十兩用前二味汁各七鎰和合煮足為度

聖惠方

誤吞金銀鑲子釵子以經

驗後方

治心風秘水銀一兩藕節八箇先研藕節令細次入水銀同研成砂子丸如雞頭大每服二丸磨刀水下

梅師方

治胎死腹中不出其母氣服差絕以水銀二兩吞之立出

又方

治痔穀道中蟲痒不止以水銀棗膏各二兩同研相和搥如棗形狀薄綿片裹內下部明日蟲

出若痛者加粉

漢武帝內傳曰

封君達隴西人初服黃連五

餘年還鄉里如二十者常乘青牛故號青牛道士

太清服鍊靈砂法


錄稟五陽神之靈精會符

合為一體故能輕飛玄化感遇萬靈

丹房鏡源

蓋藉死水銀之氣也

汾州石膏



石膏味辛甘微寒大寒無毒主中風寒熱心下逆氣

驚喘口乾舌焦不能息腹中堅痛除邪鬼產乳金瘡

除時氣頭痛身熱三焦大熱皮膚熱腸胃中隔氣解

肌發汗止消渴煩逆腹脹暴氣喘息咽熱亦可作浴

湯一名細石細理白澤者良黃者令人淋生齊山山

谷及齊盧山魯蒙山採無時雞子為之使惡莽草馬目毒

州徐州也今出錢塘縣皆在地中雨後時時自出取之如菓子

白徹最佳彭城者亦好近道多有而大塊用之不及彼仙經不

須此唐本注云石膏方解石大體相似而以未破為異今市人

皆以方解石代石膏未見有真石膏也石膏生於石傍其方解

石不因石而生端然獨處大者如升小者若拳或在土中或生

溪水其上皮隨土及水苔色破之方解大者方尺今人以此為

石膏療風去熱雖同而解肌發汗不如真者臣禹錫等謹按藥

性論云石膏使惡巴豆畏鐵能治傷寒頭痛如裂壯熱皮如火

燥煩渴解肌出毒汗主通胃中結煩悶心下急煩燥治唇口乾

焦和葱煎茶去頭痛蕭炳云石膏臣陳藏器云陶云出錢塘縣

中按錢塘在平地無石膏陶為錯注蘇又注五石脂云五石脂

中又有石膏似骨如玉堅潤服之勝鍾乳與此石膏乃是二物

同名耳不可混而用之
日華子云治天行熱狂下乳頭風
旋心煩燥指齒益齒通亮理如雲母者上又名方解石

圖經曰

石膏生齊山山谷及齊盧山魯蒙山今汾子孟號耀州
興元府亦有之生於山石上色至瑩白其黃者不堪

此石與方解石絕相類今難得真者用時惟取未破者以別之
其方解石不附石而生端然獨處外皮有土及水苔色破之皆
作方稜石膏自然明瑩如玉此為異也採無時方解石舊出下
品本經云生方山陶隱居以為長石一名方石療體相似疑是
一物蘇恭云療熱不減石膏若然似可通用但主頭風不及石
膏也又今南方醫家著一說云按本草石膏方解石大體相似
但方解石不因石端然獨處又云今市人皆以方解石代石膏
未見有真石膏也又陶隱居謂石膏皆在地中雨後時時自出
取之皆如碁子此又不附石生也二說相反未知孰是今詳石
膏既與方解石肌理形段剛柔皆同但以附石不附石豈得功
力頓異至於雌黃雄黃之類亦有端然獨處者亦有附石而生
者不聞別有各號功力相異也但意今之所用石膏方解者自
是方解石石膏乃別是一物爾今石膏中時時有瑩徹可愛有
縱理而不方解者好事者或以為石膏然據本草又似長石又
有議者以謂青石間往往有白脈貫澈類肉之有膏肪者為石
膏此又本草所謂理石也然不知石膏定是何物今且依市人
用方解石然博物者亦宜堅考其實也今密州九仙山東南隅
地中出一種石青白而脆擊之內有火謂之玉火石彼土醫人
常用之云味甘微辛溫療傷寒發汗止頭目昏眩
痛功與石膏等彼土人或以當石膏故以附之

雷公云

凡使勿用方解石方解石雖白不透明其性燥若石膏出剡州茗山縣義情山其色瑩淨如水精性良善

也凡使之先於石臼中搗成粉以密物羅過生甘草水飛過了水澄令乾重研用之

所以言內者必外寒內熱把手附骨而熱也其根在五藏六府之中必因患後得之骨肉自消食飲無味或皮燥而無光蒸盛

之時四肢漸細足跌腫起石膏十兩研如乳粉法水和服方寸匕日再服以體涼為度

非淋令人瘦以石膏半斤搗碎梅師方治熱油湯火燒瘡痛水一斗煮取五升稍飲五合

細研用傅瘡愈子母祕錄治乳不下以石膏三兩水二升煮之三沸三日飲令盡妙

玄變經石膏發汗丹星鏡源石膏桂州別說云謹按陶說出後時時自出今錢塘人乃鑿山以取之甚多搗為末作齒藥貨

是因石而生即石膏也陳藏器謂錢塘縣在平地無石膏乃知陳不識錢塘明矣


用浙人呼為寒水石然入藥最勝他處者今既鑿山石而取乃

是


在

平

益州金屑



信州生金




金屑味辛平有毒主鎮精神堅骨髓通利五藏除邪
毒氣服之神仙生益州採無時

陶隱居

云金之所生處

有出水沙中作屑謂之生金辟惡而有毒不鍊服之殺人建平
晉安亦有金沙出石中燒鎔鼓鑄為碣雖被火亦未熟猶須更
鍊高麗扶南及西域外國成器皆鍊孰可服仙經以醯蜜及猪
肪牡荊酒輩鍊餌柔軟服之神仙亦以合水銀作丹砂外醫方

饒州銀屑



銀屑味辛平有毒主安五藏定心神止驚悸除邪氣
久服輕身長年生永昌採無時

陶隱居云銀之所出處亦與金同但皆是生石

中鍊銀法亦相似今醫方合鎮心丸用之不可正服爾為骨當以水銀研令消也求昌本屬益州今屬宜州仙經又有服鍊法此當無正主療故不為本草所載古者名金為黃金銀為白金銅為赤金今銅有生熟鍊熟者柔赤而本並無用今銅青及大錢皆入方用並是生銅應在下品之例也唐本注云銀之與金生不同處金又兼出水中方家用銀骨當取見成銀薄以水銀消之為泥合消石及鹽研為粉燒出水銀淘去鹽石為粉極細用之乃佳不得已磨取骨爾且銀所在皆有而以號州者為勝此外多錫穢為劣高麗作帖者云非銀鈔所出然色青不如號州者又有黃銀本經不載俗云為器辟惡乃為瑞物臣禹錫等謹按藥性論云銀骨君銀薄同主定志去驚癇小兒癲疾狂走之病

圖經

文具金骨條下

海藥云

謹按南越志云出波斯國有天生藥銀波斯國用為試藥指環大寒無毒主堅筋骨鎮心明目風熱

癲疾等並入薄於丸散服之又燒朱粉釜下多年沉積有銀號盃鈇銀光輒甚好與波斯銀功力相似祇是難得今時燒煉家每一斤生鈇只煎得一二銖山海經云東北樂平郡黨少山出銀甚多黔中生銀體骨硬不堪入藥又按唐正觀政要云十年有理書御史權萬紀奏曰宣饒二州諸山極有銀坑採之甚是利益太宗曰朕貴為天子無所乏少何假取乎是知彼處出銀也

子母祕錄

妊娠卒腰痛如折銀一兩水三升煎取二升飲之

太上八帝玄變經

都無用者當是慮其有毒故也仙方名金為太真今注醫家所用皆鍊熟金薄及以水煎金器取汁用之固無毒矣按陳藏器拾遺云嶺南人云生金是毒蛇屎此有毒常見人取金掘地深丈餘至紛子石石皆一頭黑焦石下有金大者如指小猶麻豆色如桑黃咬時極軟即是真金夫匠竊而吞者不見有毒其麩金出水沙中壇上掏取或鵝鴨腹中得之即便打成器物亦不重鍊煎取金汁便堪鎮心此乃藏器傳聞之言全非按據皇朝收復嶺表詢其事於彼人殊無蛇屎之事入藥當必用熟金恐後人覽藏器之言惑之故此明辨臣馬錫等謹按藥性論云黃金屑金薄亦同主小兒驚傷五藏風癇失志鎮心安魂魄揚

損之云百鍊者堪生者殺人水飲合膏飲之即不鍊日華子云金平無毒畏水銀鎮心益五藏添精補髓調利血脉

圖經曰

金屑生益州銀屑生永昌陶隱居注云金之所生處

而銀所出處亦與金同但皆生石中耳蘇恭以為銀之與金生不同處金又出水中陳藏器云生金是毒蛇屎嘗見人取金掘地深丈餘至紛子石石皆一頭黑焦石下有金大者如指小猶若麻豆色如桑黃咬時極軟即是真金麩金出水沙中壇上陶取或鵝鴨腹中得之今注以陳說為非是然今饒信南劍登州出金處探得金亦多端或有若山石狀者或有若米豆粒者若此類未經火皆可為生金其銀在鑛中則與銅相雜土人採得之必以鉍再三煎鍊方成故不得為生銀也故下別有生銀條云出饒州樂平諸坑生銀鑛中狀如硬錫文理麤錯自然者真今坑中所得乃在土石中滲溜成條若絲髮狀土人謂之老翁

鬚似此者極難得方書用生銀必得此乃真耳金骨古方不見用者銀屑惟高洪治癰腫五石湯用之今人彌不用惟作金銀溥入藥甚便又金石交紅雪紫雪輩皆取金銀取計此亦通用經鍊者耳

海藥云

按廣州記云出大食國彼方出金最多凡是貨易並使金錢性多寒生者有毒熟者無毒主癩癩風

熱上氣咳嗽傷寒肺損吐血骨蒸勞極渴主利五藏邪氣補心並入薄於九散服異志云金生麗水山海經說諸山出金極多

不能備錄蔡州出瓜子金雲南山出顯塊金在山石間採之黔南遂府吉州水中並產燧金又嶺表錄異云廣州含匪縣有金

地彼中居人忽有養鵝鴨常於屎中見燧金片遂多養收屎淘之日得一兩或半兩因而至富矣

見日然而為火許慎注云陽遂金也取金杯無綠者熟摩令熱日中時日下以艾承之則然得火也

靈砂法

金所稟於中宮陰已之魄性本剛服之傷損肌

靈砂法 凡金有二十件雄金硫黃金土中金生鐵金熟鐵金生銅金鋤石金砂子金土碌砂子金金母砂子金白錫金黑鈇金朱砂金已上十五件惟祗


有還丹金水中金瓜子金青麩金草砂金等五件是真金餘外並皆是假

丹房鏡源 楚金出漢江子形雜衆金帶青色若天生牙亦曰黃牙若制青霞子 金彼水銀朱砂成器為利術不堪食內有金氣毒也

論金末增年又黃金破冷除風

饒州生銀

銀屑
益壽
青霞子
金液還丹論
銀破冷除風



生銀寒無毒主熱狂驚悸發癇恍惚夜臥不安讖音

語邪氣鬼崇服之明目鎮心安神定志小兒諸熱丹

毒並以水磨服功勝紫雪出饒州樂平諸坑生銀鑛

中狀如硬錫文理麤錯自然者真今附臣禹錫等謹按

日華子云冷微毒畏石亭脂磁石治小兒衝惡熱毒煩悶並水

磨服忌生血又云朱砂銀冷無毒畏石亭脂磁石鐵延年益色

鎮心安神止驚悸辟邪治中惡蟲

毒心熱煎煩憂忘虛劣忌一切血

圖經文具金

雷公云金銀銅鐵氣凡使在藥中用時即渾安置於藥

金翼治身有赤疵常以銀**抱朴子**銀但不及金玉可以地

指令熱不火漸漸消**抱朴子**仙也服之法麥漿化之

亦可朱草酒餌之亦可以龍膏鍊之然三**太清服鍊靈砂**

服輒大如彈丸者又非清貧道士所能得也

法銀稟西方辛陰之神結精**寶藏論**夫銀有一十七件真水

而為質性矣服之傷肝

碌銀丹陽銀生鐵銀生銅銀硫黃銀砒霜銀雄黃銀雌黃銀鑰

石銀惟有至藥銀山澤銀草砂銀母砂銀黑鉛銀五件是真外

餘則假銀坑內石縫間有生銀迸出如布線土人曰老翁鬚是正生銀也丹房鏡源銀生上洛盧氏縣褐色石打破內即白生於鉛坑中形如筍子此有變化之道亦曰自然牙亦曰生鉛又曰自然鉛可為利術不堪食鉛內銀性有毒可用結砂子

靈砂味甘性溫無毒主五藏百病養神安魂魄益氣

明目通血脈止煩滿益精神殺精魅惡鬼氣久服通

神明不老輕身神仙令人心靈一名二氣砂水銀一

兩硫黃六銖細研先炒作青砂頭後入水火既濟爐

抽之如束針絞者成就也惡磁石畏鹹水茅亭話揚子

度餌獼猴靈砂輒會人語然可教好事者青霞子靈砂若草

知之多以靈砂飼獼猴鸚鵡犬鼠等教之成汁不析可療風冷用作母砂子價為銀若把五金析不成汁不堪

水銀粉味辛冷無毒畏磁石石黃通大腸轉小兒疳
并瘰癧殺瘡疥癬蟲及鼻上酒皰風瘡燥痒又名汞
粉輕粉峭粉忌一切血

新補見陳藏器及日華子

圖經

文具水銀條下

經驗方

治小兒喫泥及曠肚膩粉一分用沙糖搜和丸
如麻子大空心米飲下一丸良久瀉出泥土差

用和

治虛風不一散膩粉一兩用湯前五度如麻脚熯火上
焙乾麝香半兩細研如粉每服一字溫水調但是風臨


時服半錢或一錢
匕看虛實加減

又方

治血痢膩粉五錢定粉二錢同研勻
用水浸蒸餅心少許和為丸如芟豆

大每服七丸或十九丸
水一盞煎湯下艾湯多亦妙

慈州磁石



磁石味辛鹹寒無毒主周痺

臣禹錫等謹按蜀本注云凡痺隨血脉上下不能左右去

者為周痺

風濕肢節中痛不可持物洗洗酸瘡除大熱煩

滿及耳聾養腎藏強骨氣益精除煩通關節消癰腫
鼠瘦頸核喉痛小兒驚癇鍊水飲之亦令人有子

名之石 一名處石生太山川谷及慈山山陰有鐵處

則生其陽採無時 柴胡為之使殺鐵毒惡牡丹莽草畏黃
石脂 陶隱居云今南方亦有好者能懸

吸針虛傳三四為佳殺鐵毒消金仙經丹方黃白術中多用之
臣禹錫等謹按蜀本注云吸鐵虛連十數針乃至一二斤刀器

回轉不落南州異物志云張海崎頭水淺而多磁石外微人乘
船皆以鐵鑠錮之至此關以磁石不得過吳氏云磁石一名磁

君藥性論云磁石臣味鹹有小毒能補男子腎虛風虛身強腰
中不利加而用之使藏器云磁石毛味鹹温無毒主補絕傷益

陽道止小便白數治腰脚去瘡癭長肌膚令人有子宜入酒出
相州北山磁石毛鐵之母也取鐵如母之招子焉本經有磁石

不言毛石功狀殊也又言磁石寒此彌誤也 本草云磁石
味甘澀平治眼昏筋骨羸弱補五勞七傷除煩躁消腫毒小兒

誤吞鍼鐵等即細末筋肉
莫令斷與磁石同下之

圖經曰 磁石生泰山山谷及慈山山陰有鐵處則生其陽今
慈州徐州及南海傍山中皆有之慈州者歲貢最佳

能吸鐵虛連十數針或一二斤刀器回轉不落者尤真採無時
其石中有孔孔中黃赤色其上有細毛性温功用更勝謹按南

州異物志云張海崎頭水淺而多磁石徽外大舟以鐵葉銅之者至此多不得過以此言之海南所出尤多也按磁石一名玄石而此下自有玄石條云生泰山之陽山陰有銅銅者雖鐵者雄主療頗亦相近而寒温銅鐵畏惡乃別蘇恭以為鐵液也是磁石中無孔光澤純黑者其功劣於磁石又不能懸針今北蕃以磁石作禮物其塊多光澤又吸針無力疑是此石醫方罕用

雷公云

凡使勿誤用玄中石并中麻石此石之二真相似磁石只是吸鐵不得中麻石心有赤皮麤是鐵山

石也誤服之令人有惡瘡不可療夫欲驗者一斤磁石四面只吸鐵一斤者此名延年沙四面只吸得鐵八兩者號曰續末石四面只吸得五兩已來者號曰磁石若夫修事一斤用五花皮一鎰地榆一鎰故綿十五兩三件並細剉以搥於石上碎作二三十塊了將磁石於甕孔子中下草藥以東流水煮三日夜然後漉出拭乾以布裹之向大石上再搥令細了却入乳鉢中研細如塵以水沉飛過了又研如粉用之

聖惠方

治小兒誤吞針用磁石如棗核大磨令光鑽作竅然穿令含針

自外臺祕要

療丁腫取磁石搗為粉釀酢和封之立拔根出差

錢相公篋中方

療

吞錢以磁石棗許大一塊含之立出

鬼遺方

治金瘡腸出欲入之磁石滑石各三兩為末以白米飲調方寸匕服

日再服

沈存中筆談


指南丹房鏡源磁石四兩協物上者伏

永堅頑之物服食不可長久多服必有大患

青霞子

磁石毛治腎之疾

玄石



玄石味鹹溫無毒主大人小兒驚癇女子絕孕小腹
冷痛少精身重服之令人有子一名玄水石一名處

石生太山之陽山陰有銅銅者雌玄者雄惡松脂柏實菌桂同質居

云本經磁石一名玄石別錄各一種今按其一名處石既同療體又相似而寒温銅鐵及畏惡有異俗方既不復用之亦無識其形者不知與磁石相類否**唐本注**云此物鐵液也但不能拾針療體如經劣於磁石磁石中有細孔孔中黃赤色初破好者能連十針一斤鐵刀亦被回轉其無孔光澤純黑者玄石也不能懸針

圖經文具磁石條下

綠鹽味鹹苦辛平無毒主目赤淚出膚腎眇暗**唐本注**云

以光明鹽礪砂赤銅屑釀之為塊綠色真者出焉者國水中石下取之狀若扁青空青為眼藥之要唐本先附

圖經文具食鹽條下

海藥謹按古今錄云波斯國在石上生味鹹澀主明目消腎點眼及小兒無辜疳氣方家少見用也按舶上將來為之石綠裝色久而不變中國

以銅醋造者不堪入藥色亦不久**後魏李孝伯云**赤鹽真鹽馬齒鹽駸

鹽並非食鹽胡鹽治目痛已上自唐本注比並是綠鹽說


汾州凝水石



本堂四

七五

德順軍凝水石



凝水石味辛甘寒大寒無毒主身熱腹中積聚邪氣
 皮中如火燒煩滿水飲之除時氣熱盛五藏伏熱胃
 中熱煩滿止渴水腫小腹痺久服不飢一名白水石
 一名寒水石一名凌水石色如雲母可析者良鹽之
 精也生常山山谷又中水縣及邯鄲

解巴豆毒畏地榆
 陶隱居云常山即

怕山屬并州中水縣屬河間郡邯鄲即趙郡並屬冀州域此處地皆鹹鹵故云鹽精而碎之亦以朴消此石末置水中夏月能為冰者佳唐本注此石有兩種有縱理橫理色清明者為佳或云縱理為寒水石橫理為凝水石今出同州韓城色青黃理如雲母為良出澄城者斜理文色白為劣也臣禹錫等謹按吳氏云神農辛岐伯醫和扁鵲甘無毒季氏大寒或生邯鄲採無時如雲母色**藥性論**云寒水石能壓丹石毒風去心煩渴悶解傷寒復勞

圖經曰

凝水石即寒水石也生常山山谷又出中水縣及邯鄲今河東汾隰州及德順軍亦有之此有兩種有縱

理者有橫理者色清明如雲母可析投置水中與水同色其水凝動者為佳或曰縱理者為寒水石橫理者為凝水石二月採又有一種冷油石全與此相類但投佛油鐺中油即冷者是也此石有毒若誤用之令腰以下不能舉

雷公云

凡使先須用生薑自然汁煮汁盡為度細研成粉用每修十兩用薑汁一鎰

經驗方

治小兒丹毒皮膚熱赤用寒水石半兩兩集驗方治風熱心躁白土一分搗羅為末用米醋調傳之愈


身壯熱及中諸毒龍腦甘露丸寒水石半斤燒半日淨地坑內盆合四面濕土攤起候經宿取出入甘草末天竺黃各二兩龍

腦一分糯米膏丸傷寒類要治肉瘻其人小便白丹房鏡彈子大蜜水磨下


源

凝水石可作油衣可食丹砂為匱伏玄精

齊州陽起石



陽起石



陽起石味鹹微溫無毒主崩中漏下破子藏中血癥

瘕結氣寒熱腹痛無子陰痿不起補不足療男子莖

頭寒陰下濕痒去臭汗消水腫久服不飢令人有子

一名白石 一名石生 一名羊起石雲母根也生齊山

山谷及琅邪或雲山陽起山採無時桑螵蛸為之使惡澤瀉菌桂雷丸蛇

蛻皮畏菟絲陶隱居云此所出即與雲母同而甚似雲母但厚實耳今用乃出益州與礬石同處色小黃黑即礬石雲母根未

知何者是俗用乃稀仙經亦服之唐本注云此石以白色肌理似殷孽仍夾帶雲母滋潤者為良故本經一名白石今有用純

黑如炭者誤矣雲母條中既云黑者各雲瞻又各地涿服之損人黑陽起石必為惡矣經言生齊山齊山在齊州歷城西北五

六里採訪無陽起石陽起石乃齊山西北六七里盧山出之本經云或雲山雲盧字訛矣今泰山沂州惟有黑者其白者獨出

齊州也臣禹錫等謹按吳氏云陽起石神農扁鵲酸無毒桐君雷公歧伯鹹無毒季氏小寒或生太山楊損之云不入湯藥

論云陽起石惡石葵忌羊血味甘平主補腎氣精之腰疼膝冷濕痺能煖女子子宮久冷冷癥寒瘕止月水不定

石臣南海藥譜陽起石惟太山所出黃者絕佳邢州鵲山出白者亦好日華子云治帶下温疫冷氣補五勞七傷合藥時燒後

水銀用凝白者為上

圖經曰

陽起石生齊山山谷及琅邪或雲山陽起山今惟出齊州他處不復有或云邢州鵲山亦有之然不甚好

今齊州城西惟一土山石出其中彼人謂之陽起山其山常有溫暖氣雖盛冬大雪徧境獨此山無積白蓋石氣重蒸使然也

山惟一穴官中常禁閉至初冬則州發丁夫遣人監視取之歲月積久其穴益深鑿鑿他石得之甚艱以色白肌理瑩明若狼

牙者為上亦有挾他石作塊者不堪每歲採擇上供之餘州中貨之不爾市賈無由得也貨者雖多而精好者亦難得舊說是

雲母根其中猶挾帶雲母今不復見此色古服食方不見用者今補下藥多使之採無時

丹房鏡源

陽起石可為外遺

青霞子

陽起治腎之疾

孔公孽味辛温無毒主傷食不化邪結氣惡瘡疽瘦

痔利九竅下乳汁男子陰瘡女子陰蝕及傷食病常

欲眠睡一名通石般孽根也青黃色生梁山山谷

為之使惡細辛陶隱居二云梁山屬馮翊郡此即今鍾乳牀也亦出始興皆大塊打破之凡鍾乳之類三種同一體從石室上汁

溜積久盤結者為鍾乳牀即此孔公孽也其次以小龍從者為般孽今人呼為孔公孽般孽復溜輕好者為鍾乳雖同一類而

療體為異貴賤懸殊此二孽不堪丸散人皆禱末酒漬飲之甚療脚弱其前諸療恐宜水煮為湯也按今三種同根而所生各

處當是隨其土地為勝爾唐本注云此孽次於鍾乳如牛羊角者中尚孔通故名通石本經誤以為殷孽之根陶依本經以為今人之誤其實是也
臣禹錫等謹按蜀本云凡鍾乳之類有五種一鍾乳一殷孽三孔公孽四石牀五石花雖同一體而主療有異此二孽止可酒浸不堪入丸散藥用然甚療脚弱脚氣石花石牀顯在後條
吳氏云孔公孽神農辛歧伯鹹扁鵲酸無毒色青黃
藥性論云孔公孽忌羊血味甘有小毒主治腰冷膝痺毒風男女陰蝕瘡治人常欲多睡能使喉聲圓亮
日華子云孔公孽味甘暖治癢結此即殷孽牀也

圖經

文具石鍾乳條下

青霞子

孽輕身充肌

殷孽味辛温無毒主爛傷瘀血洩痢寒熱鼠瘦癥瘕

結氣脚冷疼弱一名薑石鍾乳根也生趙國山谷又

梁山及南海採無時

惡防已畏木陶隱居云趙國屬冀州此即今人所呼孔公孽大如牛羊角

長一二十尺左右亦出始興
唐本注云此即石堂下孔公孽根也盤結如薑故名薑石俗人乃以孔公孽為之誤爾
臣禹錫等謹

按日華子云殷孽治筋骨弱并痔瘻等疾及下乳汁

圖經

文具石鍾乳條下

廣州蜜陀僧



蜜陀僧味鹹辛平有小毒主久痢五痔金瘡面上癩
酏面膏藥用之作理石文出波斯國一名沒多僧並胡言也

唐本先附臣馬錫等謹按蜀本注云五痔謂牡痔酒痔腸痔血痔氣痔日華子云味甘平無毒鎮心補五藏治驚癇嗽嘔及吐痰等

圖經曰蜜陀僧本經不載所出州土注云出波斯國今嶺南

相雜先以鈇同煎鍊銀隨鈇出又採山木葉燒灰開地作鑪填

灰其中謂之灰池置銀鈇於灰上更加火大鍛鈇滲灰下銀住

灰上罷火候冷出銀其灰地感鈇銀氣置之積久成此物今

之用者往往是此未必胡中來也形似黃龍齒而堅重者佳

雷公云時呼蜜陀僧凡使搗令細於堯塌中安置了用重

滿著火煮一伏時足去柳末紙袋取蜜陀僧用**聖惠方**治野黯斑點方用蜜陀僧二

用**又方**赤白痢所下不多遍數不減用蜜陀僧三兩燒**外**

臺秘要令面生光方以蜜陀僧用**譚氏小兒方**燎豆瘡癩

陀僧細研水調夜塗**別說云**今考市中所貨乃是用小瓷瓶

之明旦洗去平復矣**瓶**形狀銀冶所出最良而罕有貨者外國者未嘗見之通治口瘡最驗

鐵精平微温主明目化銅療驚悸定心氣小兒風癩

陰癘脫肛

陶隱居云鐵落是染皂鐵漿生鐵是不破鏽音柔鎗音錚釜之類鋼鐵是雜鍊生錄作刀鏢者鐵精

出銀竈中如塵紫色輕者為佳亦以摩瑩銅器用之唐本注云

單言鐵者錄鐵也鐵落是銀家燒鐵赤佛砧上銀之皮甲落者

夫諸鐵療病並不入丸散皆煮取漿用之若以漿為鐵落鋼生

之汁復謂何等落是鐵皮滋液黑於餘鐵陶謂可以染皂云是

鐵漿誤矣又鐵屑炒使極熱用投酒中飲酒療賊風痲又裹以

熨腋療胡臭有驗今按陳藏器本草云凡言鐵療病不入丸散

皆煮漿用之按今針砂鐵精俱堪染皂鐵並入丸散臣禹錫等

謹按陳藏器云鐵漿取諸鐵於器中以水浸之經久色青沫出

即堪染帛成皂兼解諸物毒入腹服之亦鎮心明目主癩癧發

熱急黃狂走六畜癩狂人為蛇犬虎狼毒惡蟲等嚙服之毒不
入內也又云鐵藝主惡瘡蝕墮金瘡毒物傷皮肉止風水不入
入水不爛手足皸坼瘡根結筋癩癰毒腫染髮今求黑並及
熱未凝塗之少當乾硬以竹木藝火於刀斧刃上燒之律出如
漆者是也一名刀煙紅東人多用之防水頂邊癩子以桃核燒
熏之又云殺蟲立效又云碎鐵水味辛無毒主小兒丹毒飲一
合此打鐵器時堅鐵槽中水又云針砂性平無毒堪染白為皂
及和沒食子染髮至黑飛為粉功用如鐵粉鍊鐵粉中亦別須
之針是其真鋼砂堪用人多以雜和之謬也又云鍛鎖下鐵屑
味辛平無毒主鬼打鬼住邪氣水漬攪今味出澄清去滓及暖
飲一二盞又云刀刃味辛平無毒主蛇咬毒入腹者取兩刀於

水中相磨飲其汁又兩刀於耳門上相磨敲作聲主百蟲入耳
聞刀聲即自出也日華子云鐵屑治驚邪癩癩小兒客忤消食
及冷氣並煎汁服之也又云礬鏡小兒浸
水名為鐵精可制朱砂石亭脂水銀毒

圖經

文具鐵條下

聖惠方

陰脫鐵精羊脂二味攪令稠布裏灸熱熨推內之差

又方

食中有蠱毒令人腹內堅痛面

目青黃淋露骨立病變無常用爐中鐵精細研擣雞肝和為丸如梧桐子大任食前後酒下五丸

百一方

後產

陰下脫鐵精粉推內之

又方

蛇骨刺人毒痛以鐵精粉如大豆以管吹瘡內

子母秘錄

療陰腫鐵

精粉傳上

姚和衆

治小兒因痢肛門脫以鐵精粉之

太清服煉靈砂法

性堅

服之傷肺

鐵漿鐵注中陶為鐵落是鐵漿蘇云非也按鐵漿取諸鐵於器中以水浸之經久色青沫出即堪染皂兼解諸毒入腹服之亦鎮心主癩癩發黃熱急狂走六畜癩狂人為蛇犬虎狼毒刺惡蟲等嚙服之毒不入

內見陳藏器

圖經文具鐵條下

外臺祕要 瘵漆瘡以鐵漿洗之 梅師

方 治時氣病骨中熱生疱 瘡碗豆瘡飲鐵漿差

秤錘主賊風止產後血瘕腹痛及喉痺熱塞並燒令赤投酒中及熱飲之時人呼血瘕為兒枕產後即起

痛不可忍無錘用斧 今附 禹錫 華子 云銅秤錘平治 味辛溫無毒

產難并橫逆產酒淬服 陳藏器云鐵杵無毒主婦人橫產無杵用斧並燒令赤投酒中飲之自然順生杵擣藥者是也 又云故鋸無毒主誤吞竹木入喉咽出入不得者燒令赤漬酒中及熱飲並得 日華子云鑰匙治婦人血噤失音衝惡以生薑醋小便

煎服弱房人前煎湯服亦得

圖經文具鐵條下

聖惠方 治婦人血瘕痛用古秤錘或大斧或鐵杵以炭火燒赤內酒中

三升已來 稍稍飲之 外臺祕要 瘵妊娠卒下血燒秤錘令 千金方 妊

脹滿及妊娠卒下血 燒令赤投酒中服 產寶 治胞衣不出燒鐵杵 鐵錢令赤投酒飲之

鐵華粉味鹹平無毒主安心神堅骨髓強志力除風邪養血氣延年變白去百病隨所冷熱合和諸藥用棗膏為丸作鐵華粉法取鋼鍛作葉如笏或團平面磨錯令光淨以鹽水灑之於醋甕中陰處理之一百日鐵上衣生鐵華成矣刮取更細擣篩入乳鉢研如麩和合諸藥為丸散此鐵之精華功用強於鐵粉也

今附臣禹錫等謹按曰華子云鐵屑粉止驚悸虛癩鎮五藏去邪氣強志壯筋骨治健忘冷氣心痛痲痺癥結脫肛痔瘻宿食等及傳竹木刺其所造之法與華粉同惟懸於醬甕上就潤地及刮取霜時研淘去麤汁鹹味烘乾

圖經
文具鐵條下

經驗後方

治心虛風邪精神恍惚健忘以經使鐸鐵四斤於炭火內燒令通赤投於醋中如此七徧即堪

打碎如碁子大以水二斗浸經二七日每於食後服一小盞

生鐵



生鐵微寒主療下部及脫肛

臣禹錫等謹按日華子云生鐵鍛後飛淘去麤赤汁烘乾

用治疔癩疾鎮心安五臟能黑鬢髮治癬及惡瘡疥蜘蛛咬蒜摩生油傳並得今注解在鐵精條

圖經

文具鐵條下

千金方

治耳聾燒鐵令赤投酒中飲之仍以磁石塞耳中日一易夜去

之日肘後方

治熊虎所傷毒痛煮生鐵令有味以洗之

又方

若被打瘀血在骨節及脇外不去以

鐵一斤酒三升煮取一升服之

集驗方

治脫肛歷年不愈以生鐵三斤水二斗煮取五升出鐵以汁洗之日再

子母秘錄

治小兒卒得漂瘡一名爛瘡燒鐵淬水
中二十七編以浴兒三二編起作漂瘡漿

鐵粉味鹹平無毒主安心神堅骨髓除百病變白潤

肌膚令人不老體健能食久服令人身重肥黑合和

諸藥各有所主其造作粉飛鍊有法文多不載人多

取雜鐵作屑飛之令體重真鋼則不爾其針砂市人

錯鍊鐵為屑和砂飛為粉賣之飛鍊家亦莫辨也

鐵為粉勝
之今附

○

圖經

文具鐵
條下

鐵落味辛甘平無毒主風熱惡瘡瘍疽瘡痂疥氣在

皮膚中除胃膈中熱氣食不下止煩去黑子一名鐵

液可以染皂生牧羊平澤及枋音城或析城採無時

臣禹錫等謹按日華子云鐵液治心驚邪一切毒蛇虫及蠶漆
咬瘡腸風痔瘻脫肛時疾熱狂并染鬚髮今注解在鐵精條

圖經


文具鐵
條下

鋼鐵


鋼鐵味甘無毒主金瘡煩滿熱中胃膈氣塞食不化

一名跳音條鐵今注解在

圖經文具鐵條下



柔鐵



鐵主堅肌耐痛

臣禹錫等謹按詳定本草云作熟鐵日華子云鐵味辛平有毒畏磁石灰炭等能制石膏

脂毒今之注解在鐵精條

圖經曰

鐵本經云鐵落山牧羊平澤及紡晉平城或析城諸鐵不著所出州郡亦當同處耳今江南西蜀有鑪冶

處皆有之鐵落者鍛家燒鐵赤沸砧上打落細皮屑俗呼為鐵花是也初鍊去鏽用以鑄鑄器物者為生鐵再三銷拍可以作鏢者為鑄鐵亦謂之熟鐵以生柔相雜和用以作刀劍鋒刃者為鋼鐵鍛竈中飛出如塵紫色而輕虛可以瑩磨銅器者為鐵精作針家磨鑊細末謂之針砂取諸鐵於器中水浸之經久色青沫出可以染皂者為鐵漿以鐵拍作片段置醋槽中積久衣生刮取之為鐵華粉入火飛鍊者為鐵粉作鐵華粉自有法文多不載諸鐵無正入丸散者惟煮汁用之華粉則研治極細合和諸藥又馬街秤錘車轄及杵鋸等皆燒以淬酒用之刀斧刃磨水作藥使並俗用有效故載之

別說云

謹按鐵漿即是以生鐵漬水服餌者曰取飲旋入新水日久鐵上生黃膏則力愈勝令人肌體輕健唐太

妃所服者乃此也若以染皂者為漿其酸苦臭澀安可近况為服食也

石腦味甘溫無毒主風寒虛損腰脚疼痺安五藏益

氣一名石飴餅生名山土石中採無時

陶隱居云此石亦鍾乳之類形

如曾青而白色黑斑斑易破今茅山東及西平山並有鑿土龕取之俗方不見用仙經有劉君導仙散用之又真誥曰李整採服療風痺虛損而得長生唐本注云隋時有化公者所服亦名石腦出徐州宋里山初在爛石中入土一丈已下得之大如雞卵或如棗許觸著即散如麩黃白色土人號為握雪與石云服之長生與李整相會今附下品條中呂禹錫等謹按蜀本云今

據下品握雪礬石主療與此不同蘇妄引握雪礬石注為之

圖經文具石鍾乳條下

理石味辛甘寒大寒無毒主身熱利胃解煩益精明

目破積聚去三蟲除榮衛中去來大熱結熱解煩毒

止消渴及中風痿痺一名立制石一名肌石如石膏


順理而細生漢中山谷及廬山採無時滑石為之使惡麻黃陶隱居云

漢中屬梁州廬山屬青州今出寧州俗用亦稀仙經時須亦呼為長理石石膽一名立制今此又各立制疑必相亂類唐本注云此石夾兩石間如石脉打用之或在土中重疊而生皮黃赤肉白作針理文全不似石膏漢中人取酒漬服之療癖令人肥悅市人或刮削去皮以代寒水石并以當礬石並是假偽今廬山亦無此物見出襄州西泚水側也

圖經文具長石條下

丹房鏡源長理石可食

廣州珊瑚



珊瑚味甘平無毒主宿血去目中賢鼻衄未吹鼻中

生南海唐本注云似玉紅潤中多有孔亦有無孔者又從波斯國及師子國來唐本先附臣禹錫等謹按日華子

二云鎮心止驚明目

圖經曰珊瑚生南海注云又從波斯國及師子國來今廣州亦有云生海底作枝柯狀明潤如紅玉中多有孔亦有無孔者枝柯多者更難得採無時謹按海中經曰取珊瑚先作鐵網沈水底珊瑚貫中而生歲高三二尺有枝無葉因絞網

出之皆摧折在網中故難得完好者不知今之取者果爾否漢積翠池中有珊瑚高一丈二尺一本三柯上有四百六十三條

云是南越王趙佗所獻夜有光景晉石崇家有珊瑚高六七尺今並不聞有此高大者


陳藏器云珊瑚生石巖下刺刻之汁流如血以金投之為丸名金漿以玉投之為玉髓久服長生海

藥按晉列傳云石崇金谷園珊瑚樹交加花生藥味甘平無毒主消宿血風癩等疾按其主治與金相似也錢

相公篋中方治七八歲小兒眼有翳醫未堅不可妄傳藥宜點珊瑚散細研如粉每日少少點之三日立愈

異物志云出波斯國為人間至貴之寶也

南恩州石鱗



本草

石

石蠟味鹹寒無毒主青盲目淫膚腎及丁腎漆瘡生
南海又云是尋常蠟爾年月深久水沫相著因化成
石每遇海潮即飄出又一般入洞穴年深者亦然皆
細研水飛過入諸藥相佐用之點目良

今附臣禹錫等
謹按日華子云


石蟹涼解一切藥毒并蠱毒催生落胎療血運消癰治天行
熱疾並熟磨服也又云浮石平無毒止渴治淋殺野獸毒

圖經曰

石蟹出南海今嶺南近海州郡皆有之體質石也而
都與蟹相似或云是海蟹多年水沫相著化而為石

每海潮風飄出為人所得又一種入洞穴年
深者亦然醋磨傳癰腫亦解金石毒採無時

潞州長石



長石味辛苦寒無毒主身熱胃中結氣四肢寒厥利
小便通血脈明目去醫眇下二蟲殺蠱毒止消渴下

氣除脅肋肺間邪氣又服不飢一名方石一名土石

一名直石理如馬齒方而潤澤玉色生長子山谷及

太山臨淄採無時陶隱居云長子縣屬上黨郡臨淄縣屬青州俗方及仙經並無用此者唐本注

云此石狀同石膏而厚大縱理而長文似馬齒今均州遼坂山有之土人以爲理石者是長石也

圖經曰長石生長子山谷及泰山臨淄今惟路州有之文如馬齒方而潤澤玉色此石頗似石膏但厚大縱理而

長爲別耳採無時謹按本經理石長石二物二條其味與功效亦別又云理石如石膏順理而細陶隱居云理石亦呼爲長理

石蘇恭云理石皮黃赤肉白作斜理不似石膏市人刮去皮以代寒水石并當礬石今靈寶丹用長理石爲一物醫家相承用

者乃似石膏與今路州所出長石無異而諸郡無復出理石醫方亦不見單用往往呼長石爲長理石又市中所貨寒水石亦

有帶黃赤皮者不知果是理石否

馬銜無毒主難產小兒癩產婦臨產時手持之亦煮
汁服一盞此馬勒口鐵也本經馬條注中已略言之

今附臣禹錫等謹按本經難產通用藥云馬銜平日葷子云古
舊銜者好或作醫工針也今據本經馬條注中都無說馬銜之

事不知此經所言
何謂今姑存之云

圖經曰文具鐵條下

聖惠方治馬喉痺喉中深腫連頰壯熱吐氣數者用
馬銜一具水三大盞煎取一盞半分爲二服

礪石無毒主破宿血下石淋除癥結伏鬼物惡氣一

名礪石燒赤熱投酒中飲之即今磨刀石取近傳蠖

蝮溺瘡有效又不欲人蹋之令人患帶下未知所由

又有越砥石極細磨汁滴目除障闇燒赤投酒中破

血瘕痛功狀極同名又相近應是礪矣禹貢注云砥

細於礪皆磨石也新補見
陳藏器


石花味甘温無毒酒漬服主腰脚風冷與殷孽同一

名乳花厚本注云二月九月採之乳水滴水上散如雪霜者

花治腰膝及壯筋骨助陽此即洞中石乳滴下凝結者

圖經文具石鍾乳條下

信陽軍桃花石



...蓋出... 本經... 臣禹錫等謹按日華子云石

桃花石味甘温無毒主大腸中冷膿血痢久服令人

肌熱能食

唐本注云出申州鍾山縣似赤石脂但舐之不著舌者為真唐本先附臣禹錫等謹按蜀本云令人

肥悅能食南海藥譜云其狀亦似紫石英若桃花其潤且光而重目之可愛是也

圖經曰

桃花石本經不載所出州土注云出申州鍾山縣今信州亦有之形塊似赤石脂紫石英輩其色似桃花

光潤而體重以舐之不著舌者為佳採無時陶隱居解赤石脂云用義陽者狀如鈍腦色鮮紅可愛蘇恭以為非是即桃花石也久服肥人土人亦以療痢然則功用亦不相遠矣

光明鹽味鹹甘平無毒主頭面諸風目赤痛多眵

淚生鹽州五原鹽池下鑿取之大者如升皆正方光

徹一名石鹽

唐本先附臣禹錫等謹按蜀本注云亦呼為聖石

圖經

文具食鹽條下

石牀味甘温無毒酒漬服與般孽同一名乳牀一名

逆石

唐本注云陶謂孔公孽即乳牀非也二孽在上牀花在下性體雖同上下有別鍾乳水下凝積生如笋狀漸長

久與上乳相接為柱也出鍾乳堂中採無時唐本先附臣禹錫
等謹按日華子云石筍即是石乳下凝滴長者與石花功同一
名石

圖經文具石鍾乳條下

膚青味辛鹹平無毒主蠱毒及蛇菜肉諸毒惡瘡不

可久服令人瘦一名推青一名推石生益州川谷

居云俗方及仙經並無用此者亦相與不復識

馬腦味辛寒無毒主辟惡熨目赤爛紅色似馬腦亦

美石之類重寶也生西國玉石間來中國者皆以為

器亦云馬腦珠是馬口中吐出多是胡人謬言以貴

之耳新補見陳藏器

陳藏器馬腦出日本國用研木不熱為上研木熱非真也

一種唐本餘

銀膏味辛大寒主熱風心虛驚癇恍惚狂走膈上熱
頭面熱風衝心上下安神定志鎮心明目利水道治
人心風健忘其法以白錫和銀薄及水銀合成之亦
甚補牙齒缺落又當凝硬如銀合煉有法

四十種陳藏器餘

天子藉田三推犁下土無毒主驚悸癲邪安神定魄
強志入官不懼利見大官宜婚市王者所封五色土
亦其次焉已前主病正爾水服餘皆藏寶


社壇四角土牧宰臨官自取以塗門戶主盜不入境
今郡縣皆有社壇也

土地主斂萬物毒人患發背者掘地爲孔一頭傍通


取風以穴大小可腫處仰卧穴上令癰入穴孔中翕
之作三五箇覺熱即易仍以物藉他處又人卒患急
黃熱盛欲死者於沙土中掘坎斜埋患人令頭出土
上灌之乆乃出曾試有效當是土能收攝熱也又人
患丹石發腫以腫處於濕地上卧熨之地熱易之
市門土無毒主婦人易產取土臨月帶之又臨月產
時取一錢匕末酒服之又捻爲丸小兒於苦瓠中作
白龍乞兒此法崔知悌方文多不錄

自然灰主白癩風癩瘍重淋取汁和醋先以布揩白
癩風破傳之當爲割勿怪能軟瑠璃玉石如泥至易
雕刻及澣衣令白洗惡瘡疥癬驗於諸灰生海中如
黃土南中異物志云自然灰生南海畔可澣衣石得

解州太陰玄精



解州鹽精



太陰玄精味鹹溫無毒主除風冷邪氣濕痺益精氣
婦人痼冷漏下心腹積聚冷氣止頭疼解肌其色青

白龜背者良出解縣附今

圖經曰

太陰玄精出解縣今解池及通泰州積鹽倉中亦有之其色青白龜背者佳採無時解池又有鹽精味更

鹹苦青黑色大者三二寸形似鐵鏹紫三月四月採亦主除風

冷無毒又名泥精蓋玄精之類也古方不見用者近世補藥及

治傷寒多用之其著者治傷寒三日頭痛壯熱四肢不利正陽

丹太陰玄精消石硫黃各二兩礪砂一兩四物都細研入甕瓶

子中固濟以火半斤於甕子周一寸燻之約近半日候藥青紫

色住火待冷取出用臘月雪水拌令勻濕入甕罐子中屋後北

陰下陰乾又入地埋二七日取出細研以麩糊和為丸如雞

頭實大先用熱水浴後以艾湯研下一丸以衣蓋汗出為差

唐本餘

近地亦有赤青白片大不佳

沈存中云

大鹵之地即生陰精石

車轄無毒主喉痺及喉中熱寒燒令赤投酒中及熱

飲之

附今

圖經

文具鐵條下

聖惠方

治妊娠咳嗽以車轄一枚燒令赤投酒中候冷飲之

外臺秘要

治小兒大便訖

血出車轄一枚燒令赤內水中服之差

此灰即爛可爲器今馬腦等形質異者先以此灰埋之令軟然後雕刻之也

鑄鍾黃土無毒主卒心痛症忤惡氣置酒中溫服之彌佳也

戶垠下土無毒主產後腹痛末一錢匕酒中熱服之戶者門之別名也新注云和雄雀糞煖酒服方寸匕治吹妳効

鑄鐸鉏孔中黃土主丈夫陰囊濕癢細末摸之亦去陰汗最佳

礬壚中裹白灰主遊腫醋磨傅之礬器物初燒時相隔皆以灰爲泥然後燒之壚礬也但看裏有即收之彈丸土無毒主難產末一錢匕熱酒調服之大有功

効也

執日取天星上土和栢葉薰草以塗門戶方一尺盜賊不來抱朴子亦云有之

大甑中蒸土一兩碩熱坐卧其上取病處熱徹汗徧身仍隨疾服藥和鼠壤用亦得

蚡鼠壤堆上土苦酒和爲泥傅腫極効又云鬼疰氣痛取土以秫米甘汁搜作餅燒令熱以物裹熨痛處凡蚡鼠是野田中尖觜鼠也

塚上土及塼石主温疫五月一日取之瓦器中盛埋之著門外堦下合家不患時氣又正月朝早將物去塚頭取古塼一口將呪要斷一年無時疫懸安大門也

桑根下土搜成泥餅傅風腫上仍灸三二十壯取熱
通瘡中又人中惡風水肉腫一箇差以土宛灸二百
壯當下黃水即差也

春牛角上土收置戶上令人宜田

土蜂窠上細土主腫毒醋和爲泥傅之亦主蜘蛛咬
土蜂者在地土中作窠者是

載鹽車牛角上土主惡瘡黃汁出不差漸屑者取土
封之即止牛角謂是車邊脂角也好用

驢溺泥土主蜘蛛咬先用醋泔汁洗瘡然後泥傅之
黑驢彌佳浮汁洗之更好

故鞋底下土主人適他方不伏水土刮取末和水服
之不伏水土與諸病有異即其狀也

鼠壤土主中風筋骨不隨冷痺骨節疼手足拘急風
掣痛偏枯死肌多收取暴乾用之

屋內墻下蟲塵土治惡瘡久不差乾傅之亦油調塗
之

鬼屎主人馬反花瘡刮取和油塗之生陰濕地如屎
亦如地錢黃白色

寡婦床頭塵土主人耳上月割瘡和油塗之効也

牀四脚下土主獠犬咬人和成泥傅瘡上灸之一七
壯瘡中得大毛者愈獠犬狂犬也

瓦甑主魘寐不寤覆人面疾打破之覺好魘及無夢
取火燒死者灰著枕中履中即止

甘土無毒主去油垢水和塗之洗膩服如灰及主草

葉諸菌毒熱湯末和之出安西及東京龍門土底澄
取之。二月上壬日取土泥屋四角大宜蠶也

柱下土無毒主腹痛暴卒者末服方寸匕

胡鷲窠內土無毒主風瘙癢疥末以水和傳之又窠
中草主卒溺血燒爲灰飲服又主惡刺瘡及浸淫瘡
遍身至心者死亦用之

道中熱塵土主夏中熱暍死取土積死人心其死非
爲遇熱亦可以蓼汁灌之

正月十五日燈盞令人有子夫婦共於富家局會所
盜之勿令人知之安卧床下當月有娠

仰天皮無毒主卒心痛中惡取人膏和作丸服之一
七丸人膏者人垢汗也揩取仰天皮者是中庭內停

污水後乾地皮也取卷起者一名掬天皮亦主人馬反花瘡和油塗之佳

蟻穴中出土取七枚如粒和醋搽狐刺瘡

古磚熱燒之主下部久患白痢膿泄下以物裹上坐之入秋小腹多冷者亦用此古磚煮汁服之主噦氣又今患劇熨之三五度差又主婦人帶下五色俱治之取黃磚石燒令微赤熱以麵五味和作煎餅七箇安磚上以黃芩萸傳麵上又以布兩重患冷病人坐上令藥氣入腹如熏之有蟲出如蠶子不過三五度差

富家中庭土七月丑日取之泥竈令人富勿令人知百舌鳥窠中土末和醎醋傳蚯蚓及諸惡蟲咬瘡

猪槽上垢及土主難產取一合和麵半升烏豆二十顆煮取汁服之

故茅屋上塵無毒主老嗽取多年煙火者拂取上塵和石黃款冬花婦人月經衣帶爲末以水和塗于茅上待乾內竹筒子中燒一頭以口噓之入咽喉數數咽之無不差也

諸土有毒怪曰獐羊掘土見之不可觸已出上土部土有氣觸之令人面黃色上氣身腫掘土處謹之多斷地脉古人所忌地有仰穴令人移也

經史證類大全本草卷之四

玉石部下品

附 銅錫瓦鹽 水土灰等

伏龍肝味辛微温主婦人崩中吐血止欬逆止血消

癰腫毒氣

陶隱居云此竈中對釜月下黃土也取擣篩合葫塗攤甚効以竈有神故號為伏龍肝并以迂隱其名爾今人又用廣州鹽城骨以療漏血瘀血亦是近耳之士兼得火燒之義也

臣禹錫等謹按藥性論云伏龍肝單用亦可味鹹無毒末與醋調塗癰腫

蕭炳云釜月中墨一名金臍下墨陳藏器云竈中土及四交道士合末以飲兒辟夜啼

龍肝熱微毒治鼻共腸風帶下血崩泄精尿血催生下胞及小兒夜啼

圖經 文具石 灰條下

雷公云 凡使勿誤用竈下土其伏龍肝是十年已來竈額內火氣積自結如赤色石中黃其形兒八稜取得後細

研以滑石水飛過兩遍令乾用熟絹裹却取子時安於舊額內一伏時重研了用

聖惠方 治小兒臍 用伏龍 肝傳之 外臺秘要 救急治心痛冷熱伏龍肝末 又方 治癰腫伏

龍肝以酢和作泥塗用
布上貼之如乾則再易
千金方 治風痲者卒不能語口噤手

升以水八升和攪取
汁飲之能盡為善
又方 治諸腋臭伏龍肝
燒作泥傳之立差
又方 治鬼覺

伏龍肝末
吹鼻中
又方 治中風心煩恍惚或腹中痛滿或時絕而復
甦者取金下土五升搗末以冷水八升和之

取汁盡服之口已噤者強開以
筒灌之使得下入便愈甚効
又方 發背欲死方伏龍肝末
以酒調厚傳其上瘡口

乾即易不
日平復
又方 小兒卒重舌竈月下
土苦酒和塗舌上
又方 灸瘡痛腫急擣

令熱以漬
之即良
千金翼 治狂癲不識人以水服
伏龍肝方寸匕日進三

發背及乳
未雞子中黃和塗之佳
簡要濟眾方 治小兒丹毒從臍
中起方伏龍肝是

年深竈下黃土研為末以屋漏水如糊傳
患處乾即再傳以差為度用新汲水調亦得
廣利方 治吐血

止伏龍肝半升以新汲水
一大升淘取汁和蜜頓服
傷寒類要 治吐血
龍肝一雞子許服之

又方 姪娘遭時疫熱病令子不墮竈下土
水和塗臍乾又塗之以酒調亦妙
十全博濟方

治子死腹中其母氣欲絕不出方伏龍肝三
錢匕以水調下其土當兒頭上戴出至妙
子母秘錄 小

赤游行於身上下至心即死伏
龍肝末和雞子白塗乾即易
又方 小兒尿灰瘡方以伏龍

龍肝末和雞子白塗乾即易
又方 小兒尿灰瘡方以伏龍

產寶

治胞衣不出取竈下土一寸研碎用好醋調令相得內於臍中續取甘草湯三四合服之出

賈相

公

進過牛經牛糞血者取竈中黃土二兩酒一升煎候冷釀之立差

楊氏產乳

療患時行令胎不損


伏龍肝末和水服

丹房鏡源云

伏龍肝或經十年者竈下掘塗臍方寸乾即易深一尺下成片紫堯色者可

用伏砂縮賀妙賀者錫也

石灰



石灰味辛温主疽瘍疥瘡熱氣惡瘡癩疾死肌墮眉
殺痔蟲去黑子息肉療髓骨疽一名惡灰一名希灰

生中山川谷

陶隱居云中山屬代郡今近山生石青白色作
以度酒飲之則腹痛下痢療金瘡亦甚良俗名石聖古今多以
結塚用捍水而辟蟲故古塚中水洗諸瘡皆即差唐本注云別

錄及今人用療金瘡止血大効若五月五日採繁萋葛葉鹿活
草槲眉鱗葉芍藥地黃葉蒼耳葉青蒿葉合石灰搗為團如雞

卵暴乾末以療瘡生肌大神驗臣禹錫等謹按蜀本云有毒墮胎
有兩種風化水化風化為勝

藥性論云石灰治疔疥蝕惡肉不入湯服止金瘡血和雞子白
敗船茹甚良**日華子**云味甘無毒生肌長肉止血并主白癩瘰

瘍癰疽等瘰冷氣婦人粉刺痔瘻疽瘡癰贅疣子又治產後陰
不能合濃煎汁熏洗解酒味酸令不壞治酒毒暖水藏倍勝爐

灰又名
鍛石

圖經曰石灰生中山川谷今所在近山處皆有之此燒青石
為灰也又名石鍛有兩種風化水化風化者取鍛了

石置風中自解此為有力水化者以水沃之則熱蒸而解力差
劣古方多用合百草團末治金瘡殊勝今醫家或以臘月黃牛

膽取汁澁和却內膽中掛之當風百日研之更勝草葉者又敗
船茹灰刮取用亦同又冬灰生方谷川澤浣衣黃灰燒諸蒿藜

積聚鍊作之今用灰多雜薪蒸乃不善惟桑薪灰純者入藥絕
竒古方以諸灰雜石灰熬煎以點疣痣黑子等丹竈亦用之又
鍛鐵竈中灰主堅積古方貳車丸用之竈中對釜月下黃土名
伏龍肝竈額上墨名百草霜並主消積積滯令人下食藥中多
用之錙下墨梁上塵並主金創屋塵煤治齒斷腫出血東壁土
主下部瘡脫肝皆醫家常用故并見此傷寒黑如丸用金底墨
竈突墨梁上塵三物同合
諸藥蓋其功用亦相近矣

雷公云

凡使用醋浸一宿灑出待乾下火煨令腥穢氣
出用瓶盛著密蓋放冷拭上灰令淨細研用

聖惠方

治螻蛄咬人用
石灰醋和塗之

又方

治大腸久積虛冷每因大便
脫肛收不能入方炒石灰令

熱故帛裏坐其上冷即易之

外臺秘要

元希聲侍郎治卒發癩秘驗方石
灰隨多少和醋將水調塗隨手即

減千金翼

治髮落石灰三升右以水拌令濕炒令極焦停冷
以絹袋貯使好酒三斗漬之密封冬十四日春秋

七日取溫服一合常令酒氣相接
落止百日服之終身不落新髮生

千金方

治小兒瘦瘠塚中
石灰傳厚着之

肘後方

治產後陰道不開石灰一斗熬之令可燒草
以水二斗投灰中適寒溫入水中坐須臾更作

又方

治金刃所傷急以石灰裹之既止
痛又速愈無石灰亦可用瘡若

治湯火灼瘡石灰細
篩水和塗之乾即易

又方

治金刃所傷急以石灰裹之既止
痛又速愈無石灰亦可用瘡若

深未宜速合者
以滑石傅之

傳信方

治蚯蚓蟲咬其形如大風
眉鬚皆落以石灰水浸身

梅師方

治產後陰腫下脫腸出玉門不閉取石灰一斗熬令黃以水三斗投灰中放冷澄清取一斗二升煖洗

又方 治金瘡止血速差方炒石灰和雞子白和丸如彈子大炭火煨赤搗末以傅瘡上立差

孫用和 治誤吞金腹內不下方石灰一杏核大硫黃一皂子大同研為末酒調下不計時候服

孫真人食忌 治疥灰汁 又方 去鬻子取石灰炭上熬令熱插糯洗之 米於灰上候米化即取米點之

斗門方 治刀傷用石灰上包定 又方 治中風口面喎斜向右即於左邊塗之


抱朴子 以水洗 崔氏 治血痢十年方石灰三升熬令黃以下大妙 水一斗攪令清澄一服一升日三服

內篇 古大墓中多石灰汁夏月行人有瘡者見墓中清水因自洗浴瘡偶愈於是諸病者聞之悉往洗之轉有飲以


新唐書 李百藥傳百藥勸杜伏威朝京師既至歷陽疾者 中海欲殺之飲以石灰酒因大利頓欲死既

而宿病 皆愈 丹房鏡源云 石灰伏硫黃去錫上暈制雄黃制硃砂可用之

階州巖石



潞州巖石



礬石味辛甘大熱生温熟熱有毒主寒熱鼠瘻蝕瘡

死肌風痺腹中堅癖邪氣除熱明目下氣除膈中熱

止消渴益肝氣破積聚痼冷腹痛去鼻中息肉久服

令人筋攣火鍊百日服一刀圭不鍊服則殺人及百

獸一名青分石一名立制石一名固羊石一名白礬

石一名大白石一名澤乳一名食鹽生漢中山谷及

少室採無時得火良棘針為之使惡馬日毒公驚屎虎掌細辛畏水陶隱居云今蜀漢亦有而好者出南康

南野溪及彭城界中洛陽城南塹嘗取少室生礬石內水中令水不冰如此則生亦大熱今以黃土泥苞炭火燒之一日一夕

則解碎可用療冷結為良丹方及黃白術多用之此又相東新

竈及零陵皆有白礬石能柔金唐本注云此石能拒火久燒但

解散不可奪其堅今市人乃取潔白細理石當之燒即為灰非

也此藥攻擊積聚痼冷之病為良若以餘物代之療病無效正

為此也今漢川武當西遼坂名礬石谷此即是其真出處少室

亦有粒細理不如漢中者也臣禹錫等謹按吳氏云白礬石一

名鼠鄉神農岐伯辛有毒桐君有毒黃帝甘有毒季氏云或生

魏興或生少室十二月採山海經云鼻塗之山有白石焉名曰

礬石可以毒鼠郭注云今礬石殺鼠蠶食而肥也醫方類聚云礬石也博物志云鸛伏郊時取礬石周圍遶郊以助暖氣方術家取鸛巢中礬石為真也藥性論云礬石使鉉丹為之使味甘有小毒主除胃膈間積氣去冷風濕痺瘙痒皆積年者忌羊血蕭炳云不入湯

圖經曰



礬石生漢中山山谷及少室今潞州亦有焉性大熱置水中令水不冰又堅而拒火燒之一日夕但解散而

不奪其堅市人多取潔白石當之燒即為灰也此藥攻擊積聚痼冷之病為良用之須真者乃佳又有特生礬石生西城張華博物志云鸛伏郊時取礬石周圍遶郊以助暖氣方術家用之取鸛巢中者為真即此特生礬石也然此色難得人多使漢中者外形紫赤內白如霜中央有臼形狀如齒其塊小於白礬石而肌粒大數倍乃如小豆許白礬石粒細才若粟米耳又有握雪礬石出徐州西宋里山入土丈餘生於爛土石間色白細軟如麪也又下條蒼石生西城蘇恭云特生礬石一名蒼礬石而梁州特生亦有青者房陵漢川與白礬石同處亦有青色者多與特生同但不入方用而今醫家多只用礬石即白礬石也形類相近如此尤宜詳擇之耳古方治寒冷積聚皆用礬石胡洽大露宿丸主寒冷百病方礬石鍊乾薑桂心皂莢桔梗各三兩附子二兩六物擣篩蜜丸服如梧子五丸日三漸增以知為度又有匈奴露宿丸硫黃丸並主積聚及飲食不下心腹堅實皆用礬石近世乃少用者

丹房鏡源

云紅皮礬石能伏丹砂養汞

信州砒霜



砒霜味苦酸有毒主諸瘧風痰在胃膈可作吐藥不可久服能傷人飛鍊砒黃而成造作別有法今附

日華子

云砒霜暖治婦人血氣衝心痛落胎又砒黃暖亦有毒

畏急汞豆冷水醋治瘧疾腎氣帶辟蚤蟲入藥以醋煮殺毒乃用

圖經

曰砒霜舊不著所出郡縣今近銅山處亦有之惟信州者佳其塊甚有大者色如鵝子黃明澈不雜此類本

處自是難得之物每一兩大塊真者人競珍之市之不啻金價
古服食方中亦或用之必得此類乃可入藥其市肆所蓄片如
細屑亦挾土石入藥服之為害不淺誤
中解之用冷水研萊豆漿飲之乃無他

雷公云 三件便下火煨從已至申便用甘草水浸從申至
子出拭乾却入瓶盛於

火中煨別研三萬下用 **聖惠方** 治卒中風昏墮若醉痰涎壅
盛四肢不收方用砒霜如棗

豆大研以新汲水調下少許用 **又方** 毒蛇尿草木着人似刺
熟水投大吐即愈若未吐再服 割便腫痛肉爛若手脚

着之指節墮落研 **博濟方** 治小兒牙宣常有鮮血不止牙齒
砒霜和膠清塗之 臭爛砒黃抄一錢麝香抄半錢同

研細先用紙條子以生油塗之後摻藥末在上少 **孫尚藥** 治
用未剪作小片紙碁子大看大小用插在爛動處

疾信砒二兩別研如粉寒水石三兩別搗為末右用一生鐵鈔
子先鋪石末一半後堆砒末在上又以石末蓋頭然後取厚蓋

蓋之周回醋糊紙條子密封約十重以炭火一斤已來安鈔子
在上候紙條子黑取出置冷地上候冷取開蓋子淨刮取砒石

末一處入乳鉢內細研以輕粟米飯和丸如梧子更別作小丸
子一等以備小兒服以飛過辰砂為衣候乾入瓷合收每人服

時於發日早嚼茶清下一丸一日內不得熱物合時先掃洒一
淨室中合之不得令婦人猫犬雞鼠等見收得時亦如然若婦

人患則男著在口 **簡要濟眾方** 治瘡神聖丹砒霜半錢研
中男子患亦然 黑豆麩一錢右件二味細

研滴水元小豆大雄黃為衣未發時空心面東新水下一元

青霞子

寶藏論云砒霜若草伏住火煨色不變移

若見質枯折者不堪用

丹房鏡源云

砒霜化銅乾汞別說云

今信州玉山有砒井官中封禁甚嚴生不夾石者色赤甚如雄黃以冷水磨解熱毒治痰癰甚效近火即殺人圖經所謂不啻

金價者此也若今市人通貨者即取山中夾砂石者燒煙飛作白霜乃碎屑而芒刺其傷火多者塊大而微黃則圖經所謂如

鵝子色明澈者此也古方並不入藥唯是燒鍊丹石家用近人多以治瘡然大意本以生者能解熱毒蓋瘡本傷暑故用今俗

醫乃不究其理即以所燒霜服用之必吐下因此幸有安者遂為定法爾後所損極長不可不謹也初取飛燒霜時人在上風

十餘丈外立下風所近草木皆死又多見以和飯毒鼠若猫犬食死鼠者亦死其毒過於射日遠矣可不察之又衡山所出一

種力差劣於信州者云

錙墨主蠱毒中惡血暈吐血以酒或水細研温服之

亦塗金瘡生肌止血瘡在面切勿塗之黑入肉如印

此錙下墨是也

今附臣禹錫等謹按蜀本草云錙黑無毒

圖經

文具石灰條下

千金方 鼻中息肉細篩金 又方 治舌卒腫如猪胞狀滿口不治須臾死以釜墨


和酥塗舌上 又方 治心痛取錙墨以熱 又方 治逆生以手

足下順生 又方 治中惡心痛欲絕用釜下墨半兩 肘後方

治轉筋入腸中如欲轉 經驗方 治霍亂取鍋底墨煤少許只

者釜底墨末酒服之差 許以百沸湯一盞投煤其中急攪數十下用 椀蓋之汗出通口微呷一兩口吐瀉立止

硃砂



硃砂味鹹苦辛温有毒不宜多服主積聚破結血爛

胎止痛下氣療欬嗽宿冷去惡肉生好肌柔金銀可

為錐音早藥出西戎形如牙消光淨者良驢馬藥亦用

今按陳藏器本草云硃砂主婦人丈夫羸瘦積病血氣不調腸鳴食飲不消腰脚疼冷疝瘕飲喉中結氣反胃吐水令人能

食肥健一飛為酸沙二飛為伏翼三飛為定精色如鵝兒黃和諸補藥為丸服之有暴熱飛鍊有法亦能變鐵

又按別本注云胡人謂為濃沙其性大熱今云温恐為誤也唐本先附

等謹按藥性論云硃砂有大毒畏漿水忌羊血味酸鹹能銷五

金入石腐壞人腸胃生食之化人心為血中者研生菖豆汁飲一二升解之道門中有伏鍊法能除冷病大益陽事

日華子云北庭砂砂使生不宜多服光淨者良今生北庭為上

味辛酸暖無毒畏一切酸補水藏煖子宮消冷瘕血宿食不消氣塊疝瘕及血崩帶下惡瘡息肉食肉飽脹夜多小便女人血氣心疼丈夫腰膝酸重四肢不任凡修制用黃丹石灰作櫃

鍛赤使用並無毒世人自疑爛肉如人被刀刃所傷以北庭署傳定當時生痂亦名狄鹽者

圖經曰硃砂出西戎今西涼夏國及河東陝西近邊州郡亦有之然西戎來者顯塊光明大者有如拳重三五兩小者如指回入藥最緊邊界出者雜碎如麻豆粒又挾砂石用之須飛澄去土石訖亦無力彼人謂之氣砂此藥近出唐世而

方書著古人單服一味伏火作九子亦有兼硫黃馬牙消輩合
餌者不知方出何時殊非古法此本攻積聚之物熱而有毒多
食腐壞人腸胃生用又能化人心為血固非平居可餌者而西
士人用淹肉炙以當鹽食之無害蓋積習之久若魏武散野葛
不毒之義也又各北亭砂又名狄鹽本經云柔金銀可為錐藥
今人作錐藥乃用鵬砂鵬砂出於南海性温平今醫家治咽喉
最為要切其狀甚光瑩亦有極大塊者諸方亦稀用

陳藏器

云有暴熱損髮

聖惠方

治懸癰卒腫用硃砂半錢綿裹含嚥津即差

外臺

秘要

救急治魚骨鯁在喉中以少硃砂口中咀嚼嚥之立下

經驗方

硃砂九方硃砂不計多少用罐

子內著硃砂上面更坐罐子一箇用紙筋白土和上下俱泥了
窰乾後從夜初時使用蒼耳自在落下葉將來搗羅為末藥上
鋪頭蓋底上面罐子內用水坐著水旋添火燒從罐子外五寸
已來圍澆欲盡更添火移向前罐子周迴火盡更旋燒促向前
計一伏時為度更不移火却閑雜人及婦人不得見一伏時住
取來搗羅為末醋麩糊為丸如桐子大每服逐日十九至十五
丸温酒或米飲下並無忌
若燒喫三二斤進食無病
陳巽 治元藏虛冷氣攻臍腹痛
杵為末取二兩硃砂生研用鐵霞草末二兩與硃砂同研勻用
一小砂罐子不固密慢火燒通赤熱將拌了者硃砂入罐子內
不蓋口加頂火一秤候火盡爐寒取出研與烏頭末同研
勻湯浸蒸餅丸如桐子大每服三丸熱木香湯醋湯任下
青

霞子

寶藏論硃砂若草伏住火不碎可轉制得諸石藥并引諸藥可治婦人久冷硃砂為五金賊也若石藥并灰霜

伏得者不堪用也

大清服煉靈砂法

云北庭砂所稟陰石之氣性含陽毒之精功能消敗去穢

益陽其功甚著

丹房鏡源

云硃砂性有大毒或沉冷之疾可服則愈久服有癰腫出此庭白黃者訣曰為之金

賊能制合群藥藥中之使自制雄雌黃

鈔丹味辛微寒主吐逆胃反驚癇癩疾除熱下氣止

小便利除毒熱臍攣金瘡溢血鍊化還成九光久服

通神明

一名鈔華生於鈔生蜀郡平澤

陶隱居云即今

也畫用者俗方亦稀用惟仙經塗丹金所須云化成九光者當謂九光丹以為金爾無別變鍊法唐本注云丹白二粉俱炒錫

作今經稱鈔丹陶云熬鈔俱誤矣今注此即今黃丹也與粉錫二物俱是化鈔為之按李含光音義云黃丹胡粉皆化鈔未聞

用錫者故參同契云若胡粉投炭中色壞還為鈔抱朴子內篇云愚人乃不信黃丹及胡粉是化鈔所作今唐注以二物俱炒

錫大誤矣

臣禹錫等謹按藥性論

云鈔丹君主治驚悸狂走嘔逆消渴煎膏用止痛生肌蕭炳云臣不入湯日華子云黃丹涼

無毒鎮心安神療反胃止吐血及嗽傳金瘡長肉及湯火瘡染鬚髮可煎膏

圖經文具鈔

外臺秘要

丹集驗療逆產方真
丹圭塗兒臍下
時後方客忤者中惡之類也
多於道間門外得之

令人心腹絞痛脹滿氣衝心胃不即治亦殺人救之
方真丹方寸匕蜜三合和服之口噤者折齒灌之
又方傷

寒及時氣瘟病頭痛壯熱脉盛始得
一日真丹塗身令遍向火坐令汗出
又方蠍螫人黃丹
經

驗方 碧霞丹治吐逆立効北來黃丹四兩篩過用好米醋半
升同藥入銚內煎令乾却用炭火三秤就銚內煨透紅

冷取研細為末用粟米飯丸如桐
子大煎醇湯下七丸不嚼只一服
王氏博濟 治風癩驅風散

二兩為末用三角磚相闔以七寸紙鋪磚上先以丹鋪紙上次
以礬鋪丹上然後用紙扭却將十斤柳木柴燒過為度取出細

研每服二錢
錢温酒下
劉氏 治小兒瘡方黃丹兩錢匕以蜜水
子母秘

錄 治小兒重舌方黃丹如
豆大內管中以安舌下
治瘡 百草霜黃丹等分細研每服

服不過
兩服愈

鈇



鈆味甘無毒鎮心安神治傷寒毒氣反胃嘔噦蛇蝎

所咬灸熨之新補見日華子

圖經曰鈆生蜀郡平澤錫生桂陽山谷今有銀坑處皆有之而臨賀出錫尤盛亦謂之白鑛鈆丹黃丹也粉錫胡

粉也二物並是化鈆所作故附於鈆鏡雖銅而皆用錫雜之乃能明白故鏡鼻附於錫謹按字書謂錫為鑛鈆為青金雖相似

而一合煉作片置醋瓮中密封經久成霜亦謂之鈆雜水銀十五分

冷入治風痰及嬰孺驚滯藥今之醫家用之尤多凡鑄銅之物多和以錫考工記攻金之工金有六齊是也凡藥用銅弩牙古

文錢之類皆以有錫故其用亦近之又鈆灰治瘰癧劉禹錫著其法云取鈆三兩鐵器中熬之又當有脚如黑灰取此灰和脂

塗瘰癧子上仍將舊帛貼之數數去帛拭惡汁又貼如此半月許亦不痛不破不作瘡但內消之為水差雖流過項亦差

陳藏器云錫鈆及琅玕銅鏡鼻銅陶云琅玕殺錫毒按錫有黑有白黑錫寒小毒主癭瘤鬼氣疰忤錯為末和青

木香傳風瘡腫惡毒本經雖有條皆以成丹及粉非專為鈆錫生文也錫為粉化鈆為丹本經云鈆丹錫粉是也蘇云鈆為丹

錫為粉深誤經驗方治發背及諸般癰毒瘡黑鈆一斤甘草三兩微灸剉用酒一斗著空瓶在傍先以甘草置

在酒瓶內然後鎔鈆投在酒瓶中却比出酒在空瓶內取出鈆依前熔後投如此者九度并甘草去之只留酒令病者飲醉寢

即勝金方

烏髭鬚明目牢齒牙黑鈆半斤大鍋內鎔成汁旋入桑條灰柳木攪令成沙右以熟絹羅為末每日

早晨如常揩齒牙後用溫水漱在孟子里取用其水洗眼治諸般眼疾髭黃白者用之皆變黑也

又方

石藥

毒用黑鈆一斤以乾鍋中鎔成汁投酒一升

青霞子

寶藏論云黑鈆

草伏得成實可點銅為銀并鑄作鼎養朱砂住得火養水銀住火斷粉霜住火

太清服煉靈砂法

錫鈆俱稟北方壬癸陰極之精也性濡滑服之而多陰毒傷人心胃

丹房鏡源

云鈆鹹鈆者不出銀熟鈆是也


嘉州隴阨利州出鈆精之葉深有變形之狀文曰紫背鈆鈆能碎金鋼鑽草節鈆出嘉州打著碎如燒之有硫黃臭煙者信州

鈆盧氏鈆此麓惡用時直須瀘過陰平鈆出劍州是鐵之苗鈆黃花投承中以文武火養自浮面上掠取炒作黃丹色鈎脚鈆

出雅州山洞溪砂中形如皂子又如蝌蚪子黑色炒鈆丹法鈆一斤土硫黃二兩消石一兩右先鎔鈆成汁下醋點之袞沸時

下硫黃一小塊并續更下消石少許沸定再點醋依前下少許消黃已消沸盡黃亦盡炒為末成丹

錫



粉錫味辛寒無毒主伏尸毒螫殺三蟲去鼈瘕療
惡瘡墮胎止小便利一名解錫音殺
陶隱居云即今化鉛所
作胡粉也其有金色者

療尸蟲彌良而謂之粉錫事與經乖唐本注云鈇丹胡粉實用錫造陶今言化鈇作之經云粉錫亦為深誤矣今法按本經呼為粉錫然其實鈇粉也故英公序云鈇錫莫辨者蓋謂此也臣禹錫等謹按藥性論云胡粉使又名定粉味甘辛無毒能治積聚不消焦炒止小兒疳痢陳藏器云胡粉本功外主久痢成疳和水及雞子白服以糞黑為度為其殺蟲而止痢也日華子云光粉涼無毒治癰腫瘦爛嘔血癥瘕小兒疳氣

圖經

文具鈇條下

外臺秘要

誤吞銀鏤及釵水銀一兩分服之釵便下亦可

吞金銀物在腹中皆服之令消洋出之

千金方

治瘡中水胡粉炭灰白等分脂和塗孔上水即止

治諸腋臭胡粉三合以牛脂和煎令可丸塗之

肘後方

治篤病新起早勞食飲多致復欲死方水服胡粉少許傷

寒類要同

又方

治卒從高落下痰血搶心面青短氣孫真人食

忌

治火燒瘡以胡粉羊髓和塗上封之

食醫心鏡

治小兒舌上瘡取胡粉末并

張文仲

療胡臭若股內陰下常濕且臭或作瘡但以

治寸白蟲熬胡粉令速燥平日作肉腫以藥方寸匕內臍中服之有大效

又方

小兒疳瘡胡粉熬

差為度子母秘錄小兒夜啼胡粉服又方小兒腹脹胡粉

油亦得腹上兼治腹皮青又方治小兒無辜痢赤白兼成疳又方鹽熬色變以摩

若不須須史死治小兒耳後月蝕又方胡粉熟蒸熬令色變以飲服又方

治小兒耳後月蝕丹房鏡源黃亦可作外櫃云胡粉可制硫

東壁土主下部瘡脫肛陶隱居云此屋之東壁上土爾當

取用之亦療小兒風臍又可除油汚衣勝石灰滑石唐本注云

此土摩乾濕二癬極有效也臣禹錫等謹按藥性論云東壁土

亦可單用性平削末細篩點目中去醫又東壁土一蜺殼細末

傳碗豆瘡及主溫瘡同華子云東壁土溫無毒陳藏器云好土

味甘平無毒主便痢冷熱赤白腹內熱毒絞結痛下血取入地

乾土以水煮三五沸絞去滓滴稀稠及煖服一二升又解諸藥

毒中肉毒合口椒毒野菌毒並解之取東壁土用之功亦小同

止洩痢霍亂煩悶為要取其向陽壁久乾也張司空云土三尺

已上曰糞三尺已下曰土服之當去上惡物勿令入客水又食

牛馬肉及肝中毒者先剉頭髮令寸長拌好土作唐泥二升合

和飲之須臾髮皆貫所食肝出牛馬獨肝者有大毒不可食漢

武云文成食馬肝死又人卒患心痛畫地作五字以撮取中央

土水和一升絞服之良也又云土消大寒無毒主傷寒時氣黃

疸病煩熱湯淋取汁頓服之莊子云蝮蜺轉丸是也藏在土中

掘地得之正圓如人捻作彌久者佳又云土擯榔主惡瘡諸蟲

咬及瘰癧疥癩等細研油塗之狀如擯榔於土穴中及堦除間

得之新者猶輒云蟾蜍尿也蟾食百蟲故特主惡瘡

圖經 文具石 灰條下

外臺秘要 治肛門凸出故屋東壁土一升研皂莢三挺長一尺二寸壁土搥粉肛門頭出處皂莢炙煖更

入則止 **肘後方** 服藥過劑及中毒煩悶欲死刮 **經驗方** 治

癰癤以多年煙薰壁土并黃蘗二件等分搗羅用生薑汁拌成膏攤貼之更以茅香湯調下一錢匕服妙也 **子母**

秘錄 治小兒臍風瘡歷年不差方東壁土傳

赤銅屑以醋和如麥飯袋盛先刺腋下脉去血封之

攻腋臭神效又熬使極熱投酒中服五合日三主賊

風反折又燒赤銅五斤內酒一斗中百徧服同前主

賊風甚驗 今按陳藏器本草云赤銅屑主折傷能銲人骨及六畜有損者取細研酒中溫服之直入骨損處六

畜死後取骨視之猶有銲痕赤銅為佳熟銅不堪唐本先附 **禹錫等** 按日華子云銅屑味苦平微毒明目治風眼接骨銲

齒療女人血氣及心痛又云銅器平治霍亂轉筋腎堂及臍下疰痛並衣被襯後貯火熨之

外臺秘要 治胡臭崔氏方先用清泔淨洗又用清酢漿 又

方 赤銅屑以酢和銀器中炒極熱以布裹熨腋下冷復易差止同治胡臭 **大清服煉靈砂法**

云銅稟東方乙陰之氣結而成魄性利服之傷腎 **朝野僉載** 云定州人崔務墜馬折

服之遂痊平及亡後十餘年改葬視其脛骨折處有銅束之 **丹房鏡源** 云武昌銅若作丹打之不裂折

錫銅鏡鼻 臣禹錫等謹按月閉通用藥云錫銅鏡鼻平 **主女子血閉癥瘕伏**

腸絕孕及伏尸邪氣生桂陽山谷 陶隱居云此物與胡粉異類而今共條當

以其非止成藥故以附見錫品中也古無純銅作鏡者皆用錫雜之別錄用銅鏡鼻即是今破古銅鏡鼻爾用之當燒令赤

內酒中飲之若置醯中出入百過亦可擣也 錫與銅本經云生桂陽今則乃出臨賀猶是分桂陽所置錫與錫相似而入用大

異醫本注云臨賀出者名鉉一名白鑛唯此一處資天下用其錫出銀處皆有之雖相似而入用大異也 今按別本注云凡銅

鏡皆用錫和不爾即不明白故言錫銅鏡鼻今廣陵者為勝 **禹錫等謹按藥性論** 云銅鏡鼻微寒主治產後餘疹刺痛三十

六候取七枚投醋中熬過呷之亦可入當歸芍藥煎服之 **藥談** 云鏡鼻味酸冷無毒 **日華子** 云古鑑平微毒辟一切邪魅女人

鬼交飛尸蠱毒小兒驚癇百蟲入人耳鼻中將就彼敲其蟲即出又催生及治暴心痛並燒酒淬服之

圖經

文具鉉錫條下

△聖惠方

治小兒卒中客忤用銅照子臯燒令赤著少許酒中淬過少少與兒服之

銅青平微毒治婦人血氣心痛合金瘡止血明目去

膚赤息肉生銅皆有青青則銅之精華銅器上綠色

是北庭罽者最佳治目時淘洗用

新補見陳藏器日華子

△陳藏器

云陶云青銅不入方用按青銅明目去膚赤合金瘡止血入水不爛令瘡青黑生熟銅皆有青即是

銅之精華大者即空綠以次空青也銅青獨在銅器上綠色者是

井底沙至冷治湯火燒瘡用之千金方

蝎螫人以井底泥塗傳之温則

易之肘後方


卧忽不寤勿以火照火照之殺人但痛齒其踵及足拇指甲際而多唾其面即活又井底泥塗目畢

令人垂頭於井中呼其姓名便起

又方


治姙娠得時疫病令胎不傷取井底泥傳心下

代赭




赤土

外藏



本草五十一

永州石灘



石鷲以水煮汁飲之主淋有效婦人難產兩手各把

一枚立驗出零陵

唐本注云俗云因雷兩則從石穴中出隨兩飛墮者妄也永州祁陽縣西北百

一十五里土崗上掘深丈餘取之形似蚌而小堅重如石也蚌音甘

按陳藏器本草云石鷲主消渴取水牛臯和煮飲之自死者臯不如落崖死者良唐本先附

中食乳有命者亦名石鷲似蝙蝠口方生氣物也

圖經曰石鷲出零陵郡今永州祁陽縣江傍沙灘上有之形似蚌而小其實石也或云生山洞中因雷兩則飛出

墮於沙上而化為石未審的否今人以催生令產婦兩手各握一枚須臾子則下採無時

食療云在乳穴石洞中者冬月採之堪食餘月採者只堪治病不堪食也又治法取石鷲二十枚和五味炒令

熟以酒一斗浸三日即每夜臥時飲一兩

聖惠方治傷寒小

便不通用石鷲搗羅為末不計

簡要濟眾治淋疾石鷲子七

時候葱白湯調半錢得通為度

靈苑方治傷損多患泄瀉暑月常瀉不止及諸淋瀝久患消渴婦人月

一盞煎一貼取半盞去滓温服空心午前至夜各一

治久患腸風痔漏一二十年不差面色虛黃飲食無味及患藏

府傷損多患泄瀉暑月常瀉不止及諸淋瀝久患消渴婦人月

代赭味甘寒無毒主鬼疰賊風蠱毒殺精物惡鬼

腹中毒邪氣女子赤沃漏下帶下百病產難胞衣不

出墮胎養血氣除五藏血脈中熱血痺血瘀大人小

兒驚氣入腹及陰痿不起一名須丸出姑幕者名須丸出代郡者名代赭

一名血師生齊國山谷赤紅青色如雞冠有澤染爪

甲不渝者良採無時畏天雄陶隱居云舊說云是代郡城

彼間赤土爾非復真物此於俗用乃踈而為仙方之要并與戎鹽鹵鹹皆是急須唐本注云此石多從代州來云山中採得非

城門下土又言生齊地山谷今齊州亭山出赤石其色有赤紅青者其赤者亦如雞冠且潤澤土人惟採以丹楹柱而紫色且

暗此物與代州出者相似古來用之今靈州鳴沙縣界河北平地掘深四五尺得者皮上赤滑中紫如雞肝大勝齊代所出者

臣禹錫等謹按藥性論云代赭使鴈門城土乾薑為使味甘平

主治女子崩中淋瀝不止療生子不落未温服之辟鬼魅云代赭臣日華子云代赭畏附子止吐血鼻衄腸風痔瘻月經

不止小兒驚癇疳疾反胃止瀉痢脫精尿血遺溺金瘡長肉安胎健脾又治夜多小便

圖經曰

代赭生齊國山谷今河東京東山中亦有之以赤紅青色如雞冠有澤染爪甲不渝者良古方紫丸治小

兒用代赭云無真者以左顧牡蠣代使乃知真者難得今醫家所用多擇取大塊其上文頭如浮漚丁者為勝謂之丁頭代赭

採無時次條又有白聖鳥格切生邯鄲山谷即畫家所用者多而且賤一名白善土胡居士云始興小桂縣晉陽鄉有白善俗

方稀用今處處皆有入家往往用以浣衣山海經西山經石鄧音跪一作胞之山其陰灌水出焉而北流注于禺水其中有流

赭以塗牛馬無病郭璞注云赭赤土也今人以朱塗牛角云以辟惡又云大次之山其陽多聖又北山經天池之山其中多黃

聖又中山經蔥嶺之山其中有大有大谷多白黑青黃聖注云言有雜色之聖也然則赭以西土者為貴聖有五色入藥惟白者耳

雷公云

凡使不計多少用臘水細研盡重重飛過水面上有赤色如薄雲者去之然後用細茶脚湯煮之一伏時

了取出又研一萬匝方入用淨鐵鎚一口著火得鎚熱底赤即下白蠟一兩於鎚底後巡間便投新汲水衝之於中沸一二千

度了如此放

斗門方

治小腸氣用血師一兩米醋一升以火燒血師通赤淬入醋中以淬竭為度搗

冷取水使之羅如麩用湯調下一大錢即

御藥院

治風癰疼痒不可忍赤

溫酒調

下錢丹房鏡源

云代赭

別說云

謹按今處州歲貢數不

候湛濁赤白帶下多年不差應是藏府諸疾皆主之用石鷲淨洗刷去泥土收之右每日空心取一枚於堅硬無油甕器內以溫水磨服之如彈丸大者一箇分三服大小以此為準晚食前更一服若欲作散須先杵羅為末以磁石煏去杵頭鐵屑後更入堅甕鉢內以硬乳槌研細水飛過取白汁如泔乳者澄去水曝乾每服半錢至一錢清飯飲調下溫水亦得此方偏治久年腸風切須常服勿令歇服之及一月諸疾皆愈

戎鹽味鹹寒無毒主明目目痛益氣緊肌骨去毒蠱

心腹痛溺血吐血齒舌血出一名胡鹽生胡鹽山及

西羌北地酒泉福祿城東南角北海青南海赤十月

採陶隱居云今俗中不復見鹵鹹惟魏國所獻虜鹽即是河東大鹽形如結冰圓強味鹹苦夏月小潤液虜中鹽乃有九種

白鹽食鹽常食者黑鹽主腹脹氣滿胡鹽主耳聾目痛柔鹽主馬脊瘡又有赤鹽駁鹽臭鹽馬齒鹽四種並不入食馬齒即大

鹽黑鹽疑是鹵鹹柔鹽疑是戎鹽而此戎鹽又名胡鹽並主眼痛二三相亂今戎鹽虜中甚有從涼州來者河南使及北部

胡客從燉煌來亦得之自是稀少爾其形作塊片或如雞鴨卵或如菱米色紫白味不甚鹹口嘗氣臭正如鰕雞子臭者言真

又河南鹽池泥中自然凝鹽如石片打破四方青黑色善療馬脊瘡又疑此或是鹽雖多種而戎鹽鹵鹹最為要用又巴東胸

音春 認音聞 縣北岸大有鹽井鹽水自凝生粥子鹽方一二寸中央突張織形亦有方如石膏博碁者李云戎鹽味苦臭是海潮水澆山石經久鹽凝著石取之北海者青南海者紫赤又云鹵鹹即是人煮鹽釜底凝強鹽滓如此二說並未詳 **唐本注**云陶稱鹵鹹疑是黑鹽此是鹼土議如前說其戎鹽即胡鹽沙州名為禿登鹽鄆州名為陰土鹽生河岸山坂之陰土石間塊大小不常堅白似石燒之不鳴炆 音臣 **臣禹錫等謹按陳臧器云鹽藥味鹹無毒主眼赤背爛風赤細研水和點目中又入腹去熱煩痰滿頭痛明目鎮心水研服之又主蛇惡蟲毒疥癬癰腫瘰癧已前入腹水消服之若瘡正爾摩傳生海西南雷羅諸州山谷似芒消未細入口極冷南人多取傳瘡腫少有服者恐極冷入腹傷人且宜謹之 **日華子**云戎鹽平助水藏益精氣除五藏癥結心腹積聚痛瘡疥癬等即西番所出食者號戎鹽又名羌鹽**

圖經 文具食鹽條下

陳臧器 云戎鹽累如乾汞制丹砂 **丹房鏡源** 云戎鹽赤黑二色累如乾汞制丹砂

大鹽味甘鹹寒無毒主腸胃結熱喘逆胸中病令人

吐生邯鄲及河東池澤 漏蘆為之使 **唐本注**云大鹽即河東印鹽也人之常食者是形麤於

未鹽故以大別之 **臣禹錫**等謹按蕭炳云大鹽臣 **圖經** 文具食鹽條下

太平廣記梁四公子傳音萬杰音傑曰交河之間平積

鹵鹹味苦鹹寒無毒主大熱消渴狂煩除邪及下蠱

毒柔肌膚去五藏腸胃留熱結氣心下堅食已嘔逆

喘滿明目目痛生河東鹽池陶隱居云是煎鹽金下凝滓

東鹽不金煎明非凝滓此是鹵土名鹵

圖經文具食鹽條下丹房鏡源云鹵鹽純制四黃作錐藥

漿水味甘酸微温無毒主調中引氣宣和強力通關

開胃止渴霍亂洩痢消宿食宜作粥薄暮啜之解煩

去睡調理府藏粟米新熟白花者佳煎令醋止嘔噦

白人膚體如繒帛為其常用故人不齒其功冰漿至

冷婦人懷妊不可食之食譜所忌也新補

外臺秘要救急去黑子方夜以暖漿水洗面以布揩黑子

漿水洗面仍以鷹糞粉黑子孫真人食忌手指腫方煎漿水和又方

食生脯腊過多筋痛悶絕煮細漿水粥以少鷹糞未攪和頓服三五合兵部手集救人有霍亂頗有

神効漿水稍醋味者煎乾薑屑屙之夏月腹肚不調煎屙之差產寶云孕婦令易產酸漿水

楊氏產乳云姪娘不得食漿水

井華水味甘平無毒主人九竅大驚出血以水嚥面

亦主口臭正朝含之吐棄廁下數度即差又令好顏

色和朱砂服之又堪鍊諸藥石投酒醋令不腐洗目

膚醫及酒後熱痢與諸水有異其功極廣此水井中

平日第一汲者本經注并苔條中略言之今此重細

解也新補

千金方治心悶汗出不識人新又方孕婦欲產時取井

又方治馬汗及毛入人瘡中腫痛入腹害又方井花水服

汲水和蜜飲之甚妙

花水半升頓一服

人以冷水浸瘡數易飲好酒即愈

藥煉藥並

用梅師方

治眼睛無故突一二十者以新汲水灌漬睛中數易水睛自入

又方

治卒驚悸九竅血皆

溢出以井花水巽面當止勿使知之

菊花水味甘温無毒除風補衰久服不老令人好顏色肥健益陽道温中去痼疾出南陽酈縣北潭水其源悉芳菊生被崖水為菊味盛洪之荊州記云酈縣菊水太尉胡廣久患風羸常汲飲此水後疾遂瘳此菊甘美廣後收此菊實播之京師處處傳植抱朴子云南陽酈縣山中有甘谷水所以甘者谷上左右皆生甘菊菊花墮其中歷世彌久故水味為變其臨此谷中居民皆不穿井悉食甘谷水食無不壽考故司空王暢太尉劉寬太傅袁隗皆為南陽太守每到官常使酈縣月送甘谷水四十斛以為飲食此諸公多

患風痺及眩冒皆得愈新補

地漿寒主解中毒煩悶陶隱居云此掘地作坎以水沃其中攪令濁俄頃取之以解中諸毒

山中有毒菌人不識煮食之無不死又楓樹菌食之令人笑不止唯飲上漿皆差餘藥不能救也今注唐本元在草部今移

禹錫等謹按日華子云地漿無毒

合聖惠方治熱渴心悶服地漿一盞妙梅師方食生肉中毒掘地深三尺取土五升以水五升

煎五沸清之一升即愈

臘雪味甘冷無毒解一切毒治天行時氣溫疫小兒

熱癩狂啼大人丹石發動酒後暴熱黃疸仍小温服

之藏淹一切果實良春雪有蟲水亦便敗所以不堪

收之新補見陳藏器及日華子別說云謹按霜治暑月汗漬腋下赤腫及癩瘡以和蚌粉傳之立差瓦

木上以雞毛羽掃取收瓷瓶中時久不壞今宜附臘雪後

泉水味甘平無毒主消渴反胃熱痢熱淋小便赤澀

兼洗漆瘡射癰腫令散久服却温調中下熱氣利小便並多飲之又新汲水百一方云患心腹冷病者若男子病令女人以一杯與飲女子病令男子以一杯與飲又解合口椒毒又主食魚肉爲骨所體取一杯水合口向水張口取水氣體當自下又主人忽被墜損腸出以冷水噴之令身噤腸自入也又臘日夜令人持椒井傍無與人語內椒井中服此水去温氣博物志亦云凡諸飲水療疾皆取新汲清泉不用停汗濁暖非直無効固亦損人

新補

○沈存中筆談

東阿是濟水所經取其井水煮膠謂之阿膠用攪濁水則清人服之下膈踈痰止吐皆服

濟水性趨下清而重故以治於濁及逆上之疾

半天河微寒主鬼症狂邪氣惡毒

陶隱居云此竹籬頭水也及空樹中水皆

可飲并洗諸瘡用之今按陳藏器本草云半天河在槐樹間者
主諸風及惡瘡風瘙疥痒亦温取洗瘡今注唐本元在草部今
移臣禹錫等謹按藥性論云半天河單用此竹籬頭水及高樹
穴中盛天雨能殺鬼精恍惚妄語勿令知之與飲差日華子云

平無毒
主蠱毒

外臺秘要

治身體白駮取樹木孔中水洗之搗桂屑唾和
傳駮上日三白駮者浸淫漸長似癬但無瘡也

熱湯主忤死先以衣三重藉忤死人腹上乃取銅器
若瓦器盛湯著衣上湯冷者去衣大冷者換湯即愈
又霍亂手足轉筋以銅器若瓦器盛湯熨之亦可令
蹠器使脚底熱徹亦可以湯捋之冷則易用醋煮湯
更良煮蓼子及吳茱萸汁亦好以綿絮及破羶角脚
以湯淋之貴在熱徹又燥絲湯無毒主蛔蟲熱取一
盞服之此煮繭汁為其殺蟲故也又燔猪湯無毒主
產後血刺心痛欲死取一盞温服之

新補見抱朴子陳藏器

陳藏器云

凡初覺傷寒二日內但以熱湯飲之候吐則止

不差者熱野人閑話

朱真人靈驗篇有病者患風疾數年不

湯洗之效


別說云

謹按外臺秘要有作甘爛水法以木

復以簞蓋之差
六千顆擊取治霍亂及入膀胱治奔豚
藥用殊勝傷寒論第三卷亦有此法

白堊

烏恪切



白堊味苦辛温無毒主女子寒熱癥瘕月閉積聚陰

腫痛漏下無子洩痢不可久服傷五藏令人羸瘦一

名白善生邯鄲山谷採無時陶隱居云此即今畫用者甚多而賤俗方亦稀仙經不須

臣禹錫等謹按唐本云胡居士言始興小桂縣晉陽鄉有白善藥性論云白堊使味甘平主女子血結月候不通能澀腸止痢

温暖蕭炳云不入湯日華子云白善味甘治瀉痢痔瘻洩精女子子宮冷男子水藏冷臯洪吐血本名白堊入藥燒用

圖經文具代赭條下唐本餘注云此即今畫工用者甚易得方中稀用之近代以白瓷為之

雷公云凡使勿用色青并底白者先單搗令細二度篩過了又入鉢中研之然後將鹽湯飛過浪乾每修事白堊

二兩用白鹽一分投於斗水中用銅器物內沸十餘沸了然後用此沸了水飛過白堊免結澀人腸也

冬灰味辛微温主黑子去脫音尤息肉疽蝕疥瘡一名

藜灰生方谷川澤陶隱居云此即今浣衣黃灰爾燒諸蒿藜積聚鍊作之性亦烈又荻灰尤烈欲

銷黑痣脫贅取此三種灰和水蒸以點之即去不可廣用爛人皮肉唐本注云桑薪灰最入藥用療黑子脫贅功勝冬灰用煮


小豆大下水腫然冬灰本是藜灰餘草不真又有青蒿灰燒蒿煮之於音靈灰燒木葉作並入染用亦堪蝕惡肉於灰一作苓

字臣禹錫等謹按陳藏器云桑灰本功外去風血癥瘕塊又主
 水瘰淋取醃汁作食服三五升又取鼈一頭治如食法以桑灰
 汁煎如泥和諸癥瘕藥重煎堪丸眾手捻成日服
 十五丸癥瘕疝癖無不差者其方文多不具載

圖經

文具石
灰條下

青琅玕



青琅玕味辛平無毒主身痒火瘡癰傷白秃疥瘡死

肌侵淫在皮膚中煮鍊服之起陰氣可化為丹一名

石珠一名青珠生蜀郡平澤採無時殺錫毒得水銀良畏雞骨陶隱居云

此蜀都賦所稱青珠黃環也黃環乃是草奇取名類而種族為乖琅玕亦是崑崙山樹名又九真經中大丹名也此石今亦無

用惟以療手足逆臚晉豐化丹之事未的見其術唐本注云琅玕乃有數種色是瑠璃之類火齊寶也且琅玕五色其以青者

入藥為勝今山崑晉隴州以西烏白蠻中及于闐國也臣禹錫等謹按陳藏器云瑠璃自身熱目赤以水浸令冷熨之韻集曰

火齊珠也南州異物志云瑠璃本是石以自然灰理之可為器車渠馬腦並玉石類是西國重寶佛經云七寶者謂金銀瑠璃

車渠馬腦玻璃瓊真珠是也或云珊瑚琥珀今馬腦椀上刻鏤為奇工者皆以自然灰又昆吾刀治之自然灰今時以牛皮膠作

假者非也日華子云玻璃冷無毒安心上驚悸明目摩腎障

圖經曰青琅玕生蜀郡平澤蘇恭注云琅玕乃有數種是瑠


璃之類火齊寶也琅玕五色具以青者入藥為勝出

崑州以西烏白蠻中及于闐國也今秘書中有異魚圖載琅玕青色生海中云海人於海底以網挂得之初出水紅色久而青黑枝柯似珊瑚而上有孔竅如蟲蛀擊之有金石之聲乃與珊瑚相類其說不同人莫能的識謹按尚書禹貢雍州厥貢璆琳


琅玕爾雅云西北之美者有崑崙虛之璆琳琅玕焉孔安國郭璞皆以為石之似珠者而山海經云崑崙山有琅玕若然是石之美者明瑩若珠之色而其狀森植耳大抵古人謂石之美者多謂之珠廣雅謂瑠璃珊瑚皆為珠是也故本經一名青珠而左太冲蜀都賦云青珠黃環黃環是木然引以相並者亦謂其美如珠而其類實木也又如上所說皆出西北山而今圖乃云海底得之蓋珍瑰之物山海谷俱產焉今醫方家亦以難得而稀用也

唐本餘味甘




信州自然銅



火山軍自然銅



鉛石



自然銅味辛平無毒療折傷散血止痛破積聚生鬯
 州山巖中出銅處於坑中及石間採得方圓不定其
 色青黃如銅不從礪鍊故號自然銅

今附臣禹錫等謹
 按日華子云自然

銅涼排膿消瘀血續筋骨治產
 後血邪安心止驚悸以酒摩服

圖經曰

自然銅生邕州山巖中出銅處今信州火山軍皆有

不從鑛鍊故號自然銅今信州出一種如亂銅絲狀云在銅鑛

中山氣熏蒸自然流出亦若生銀如老翁鬚之類入藥最好火

山軍出者顆塊如銅而堅重如石醫家謂之銻石用力薄採

無時今南方醫者說自然銅有兩三體一體大如麻黍或多方

解纍纍相綴至如斗大者色煌煌明爛如黃金礪石最上一躰

成塊大小不定亦光明而赤一體如薑鐵矢之類又有如不治

而成就者形大小不定皆出銅坑中擊之易碎有黃赤有青黑者

鍊之乃成銅也據如此說雖分折頗精而未見似亂絲者耳又

云今市人多以銻石為自然銅燒之皆成青焰如硫黃者是也

此亦有二三種一種有殼如餘糧擊破其中光明如鑒色黃類

礪石也一種青黃而有牆壁或文如束針一種碎理如團砂者

皆光明如銅色多青白而赤少者燒之皆成煙焰頃刻都盡今

雷公云

石髓銻即自然銅也凡使勿用方金牙其方金牙

真似石髓銻若誤餌吐煞人其石髓銻色似乾銀

泥味微甘如採得先搗碎同甘草湯煮一伏時至明曬出攤令

乾入臼中搗了重篩過以醋浸一宿至明用六一泥泥窰合子

約盛得二升已來於文武火中養二日夜才乾便用蓋蓋了泥


丹亨鏡源

云可食之自然銅出信州鉛山縣銀場銅坑中

深處有銅鑛多年鑛氣結成似馬鬣勃色紫重

金牙

食之若澀是真自然銅今人別說云謹按今辰州川澤中出
 只以大礙石為自然銅誤也一種形圓似蛇含大者
 如胡桃小者如栗外有皮黑色光潤破之與鉛
 石無別但比鉛石不作臭氣爾入藥用之殊驗



金牙味鹹無毒主鬼疰毒蠱諸疰生蜀郡如金色者

良

陶隱居云今出蜀漢似麤金大小如碁子而方又有銅牙亦相似但外色黑內色小淺不入藥用金牙惟合酒散及五疰

丸餘方不甚須此唐本注云金牙離本處入土水中久皆色黑不可謂之銅牙也此出漢中金牙端端兩岸入石間打出者內

即金色岸摧入水久者皆黑近南山溪谷茂州維州亦有勝於漢中者臣禹錫等謹按藥性論云金牙石君治一切風筋骨攣

急腰脚不遂燒浸服之良日華子云金牙石味甘平治一切冷風氣暖腰膝補水藏驚悸小兒驚癇入藥並燒淬去麤汁乃用

圖經曰金牙生蜀郡今雍州亦有之本經以如金色者良而此物出於溪谷在蜀漢江岸石間打出者內即金色

岸摧入水年久者多黑葛洪治風毒厥有大小金牙酒但浸其汁而飲之古方亦有燒淬去毒入藥者孫思邈治風毒及鬼疰

南方瘴氣傳尸等各有大小金牙散之類是也又有銅牙亦相似而外黑色方書少見用者小金牙酒主風疰百病虛勞濕冷

緩不仁不能行步近人用之多效故著其法云金牙細辛地膚子莽草乾地黃蒟藿根防風附子茵芋續斷蜀椒各四兩獨活

一斤十二物金牙擣末別盛練囊餘皆薄切并金牙共內大納囊以清酒四斗漬之密泥器口四宿酒成温服二合日三漸增

銅鑛石味酸寒有小毒主丁腫惡瘡驢馬脊瘡臭腋

石上水磨取汁塗之其丁腫末之傳瘡上良

本注云

狀如薑石而有銅星鎔取銅也唐本先附

銅弩牙主婦人產難血閉月水不通陰陽隔塞

陶隱居云

即今人所用射者爾取燒赤內酒中飲汁得古者彌勝

臣禹錫等謹按日華子云平微毒

冷聖惠方


治小兒吞珠瑤錢而哽方燒銅弩牙赤內水中冷飲其汁立出

千金方

俱吞銅鐵而哽



者方燒銅弩牙令赤內酒中飲之立愈

并州金星石




川

并州銀星石



濠州銀星石



金星石寒無毒主脾肺壅毒及主肺損吐血嗽血下
熱涎解衆毒今多出濠州又有銀星石主療與金星
石大體相似新定

圖經曰金星石生并州濠州寒無毒主脾肺壅毒及肺損出血嗽血下熱涎解眾毒又有一種銀星石體性亦相

似採無時

特生礬石味甘温有毒主明目利耳腹内絕寒破堅

結及鼠瘦殺百蟲惡獸久服延年一名蒼礬石一名

鼠毒生西城採無時火鍊之良畏水者最佳鶴常入水冷故取以壅卵中

熱今不可得惟用出漢中者其外形紫赤色内白如霜中央有白形狀如齒者佳大散方云又出荊州新城郡房陵縣縹白色

為好用之亦先以黃土苞燒之一日亦可内斧孔中燒之合王壺諸丸用此仙經不云特生則止是前白礬石爾

所說特生云中如齒白形者是今出梁州北馬道戍澗中亦有之形塊小於白礬石而肌粒大數倍乃如小豆許白礬石粒細

若粟米爾

圖經文具礬石條下

握雪礬石味甘温無毒主痼冷積聚輕身延年多食

令人熱唐本注云出徐州西宋里山入土文餘於爛土石間黃白色細軟如麪一名化公石一名石腦鍊服別有

法唐本先附
臣禹錫等謹按蜀本注
云今據中品自有石
腦一條主治與此甚別應似徐長卿一名鬼督郵之類也

圖經
文具畧
石條下

丹房鏡源
握雪畧石乾朮
制朮并丹砂

梁上塵主腹痛噎中惡鼻衄小兒軟瘡
唐本先附
臣禹錫等謹按藥對

二云梁上塵微寒日
華子二云平無毒

雷公云
凡使須去煙火遠高堂
殿上者拂下篩用之
外臺秘要
忍小便久致
胞轉取梁上

塵三指撮
又方
治自縊死用梁上塵如大豆各內一筒中四
人以水服之
人各一筒同時極力吹兩耳鼻中即得活

千金方
姑乳梁上塵醋和
塗之亦治陰腫
又方
治婦人日月未足而欲產
取梁上塵竈突煤二味合

方寸匕
千金翼
凡癰以梁上塵灰葵
莖等分用醋和傅之
子母秘錄
治橫生不
可出梁上

塵酒服方寸
又方
治小兒頭瘡梁上塵和油取
餅下滓以皂莢湯洗後塗上

土陰孽味鹹無毒主婦人陰蝕大熱乾茄生高山崖

上之陰色白如脂採無時
爾雅居云此猶似鍾乳孔公孽
之類故亦有孽名但在崖上爾

今時有之但不復採用唐本注云此即土乳是也出渭州鄠縣三交驛西北坡平地土窟中見有六十餘坎昔人採處土人云服之亦同鍾乳而不發熱陶及本經俱云在崖上此說非也今渭州不復採用今按別本注云此則土脂液也生於土穴狀如殷孽故名土陰孽臣禹錫等謹按蜀本注云今據本經所載既與陶注同而蘇說獨異恐蘇亦未是

車脂主卒心痛中惡氣以温酒調及熱攪服之又主

婦人妬乳乳癰取脂熬令熱塗之亦和熱酒服今附臣禹

錫等謹按陳藏器云車脂味辛無毒主鬼氣温酒烱令熱服之

聖惠方治蝦蟇及蝌蚪蠱得之心腹脹滿口乾思水不能食悶亂大喘而氣發方用車轄脂半升已來漸漸

服之其外臺秘要治聾耳膿血取出車轄脂綿裹塞耳中千金方治小兒驚

如小豆許內口別說云謹按車脂塗人衣不可洗滌唯以生油方可解然後復以蜜湯洗則淨

釭工音中膏主逆產以膏畫兒脚底即正又主中風發

狂取膏如雞子大以熱醋攪令消服之附今

千金方治姪娠熱病方取車釭脂酒服之大良又方治姪娠腹中痛燒車釭脂末內酒中服亦

治效
梅師方
治諸蟲入耳取車釭脂塗耳孔中自出
子母秘錄
治產後陰脫

內酒中分温三服亦治咳嗽

鍛竈灰主癥瘕堅積去邪惡氣
陶隱居云即今鍛鐵竈中灰爾兼得鐵力以療

暴癥大有効臣禹錫等謹按唐本云貳車丸用之陳藏器云竈突後黑土無毒主產後胞衣不下未服三指撮暖水及酒服之

天未明時取至驗也又云竈中熱灰和醋熨心腹冷氣痛及血氣絞痛冷即易

圖經
文具石灰條下

經驗方
治婦人崩中用百草霜二錢狗膽汁續十全方

治暴瀉痢百草霜末米飲調下二錢
杜壬方
治逆生橫生瘦胎妊娠產前產後虛損月候不調崩中百草霜白芷

等分末每服二錢童子小便醋各少許調勻更以熱湯化開服不過二服即差
治瘡
頭瘡及諸熱瘡先用醋少許和

水淨洗去痂再用温水洗裏乾百草霜細研入膩粉少許生油調塗立愈

淋石無毒主石淋此是患石淋人或於溺中出者如

小石水磨服之當得碎石隨溺出
今附臣禹錫等謹按日華子云淋石暖

陳藏器

云礪中出正如小石非他物也候出時收之淋為用最佳也又主噎病吐食俗云噎飯病者効

方解石味苦辛大寒無毒主胃中留熱結氣黃疸涌

血脈去蠱毒一名黃石生方山採無時

惡巴豆陶隱居云按本經長石

一名方石療體亦相似疑是此也唐本注云此石性冷療熱不減石膏也今注此物大體與石膏相似惟不附石而生端然獨

處形塊大小不定或在土中或生溪水得之敲破皆方解故以為名今沙州大鳥山出者佳

圖經

文具石膏條下

礞石治食積不消留滯在臧府宿食癥塊久不差及


小兒食積羸瘦婦人積年食癥攻刺心腹得硃砂巴

豆大黃京二稜等良可作丸服用之細研為粉一名


青礞石

新定

齊州薑石



鹿麕黃石



薑石味鹹寒無毒主熱豌豆瘡丁毒等腫生土石間
狀如薑有五種色白者最良所在有之以爛不礮插


切者好齊州歷城東者良唐本先附

圖經曰

薑石生土石間齊州歷城東者良所在亦有今惟出齊州其狀如薑有五種用色白者以爛而不礮者好

採無時崔氏療丁腫單用白薑石末和雞子清傅之丁自出乳癰塗之亦善大凡石類多中癰疽比齊馬嗣明醫楊遵彥背瘡取籠理黃石如鷲卵大猛烈火燒令赤內醃醋中因有屑落醋裏頻燒淬石至盡取屑暴乾擣篩和醋塗之立愈劉禹錫謂之鍊石法用之傳瘡腫無不愈者出人又傳麥飯石亦治發背瘡麥飯石者籠黃白類麥飯曾作磨礱者尤佳中岳山人呂子華方云取此石碎如碁子炭火燒赤投米醋中浸之良久又燒如此十徧鹿角一具連腦骨者二二三寸截之炭火燒令煙出即止火白斂末與石末等分鹿角倍之二物同擣篩令精細取三年米醋於鐺中煎如魚眼佛即下前藥調和令如寒食餠以篋傳於腫上惟留腫頭如指面勿令有藥使熱氣得洩如未有腫膿即當內消若已作頭即緘令小其病久得此膏直至肌肉爛落出筋骨者即於細布上塗之貼於瘡上乾即易之但中隔不充者即無不差其瘡腫時切禁手觸其効極神異此方孫思邈千金月令已有之與此大同小異但此本論說稍備耳又水中圓石治背上忽腫漸如櫟子不識名者以水中圓石一两搗燒令

深州井泉石



極熱寫入清水中沸
定後洗腫處立差

外臺秘要

救急治乳癰腫如碗大痛甚取白薑石搗末一
二升用雞子白和如錫傳腫上乾易之此方頻

試驗如雞子慮罪取
榆白皮和搗傳即差

井泉石大寒無毒主諸熱治眼腫痛解心藏熱結消
去腫毒及療小兒熱疳雀目青盲得大黃梔子治眼
臉腫得決明菊花療小兒眼疳生醫膜甚良亦治熱
嗽近道處處有之以出饒陽郡者為勝生田野間地
中穿地深丈餘得之形如土色圓方長短大小不等
內實而外則重重相疊採無時用之當細研為粉不
爾使人淋又有一種如薑石時人多指以為井泉石

者非是

新定

圖經曰

井泉石生深州城西二十里劇家村地泉內深一丈許其石如土色圓方長短大小不等內實外圓作層

重疊相交其性大寒無毒解心藏熱結消去腫毒及療小兒熱疳不拘時月採之

蒼石味甘平有毒主寒熱下氣瘦蝕殺禽獸生西城


採無時

陶隱居云俗中不復用莫識其狀唐本注云特生與石一名蒼礬石而梁州特生亦有青者今之房陵漢川與

陝州花藥石

圖經文具舉石條下

白礬石同處有色青者並毒殺禽獸與礬石同漢中人亦取以毒鼠不入方用此石出梁州均州房州與二礬石同處特生蒼石並生西城在漢川金州也



花乳石主金瘡止血又療產婦血暈惡血出陝華諸郡色正黃形之大小方圓無定欲服者當以大火燒之金瘡止血正爾刮末傳之即合仍不作膿潰或名

花藥石新定

圖經曰

花藥石出陝州閿鄉縣體至堅重色如硫黃形塊有極大者人用作器古方未有用者近世以合硫黃同

鍛研末傳金瘡其効如神又人倉卒中金刃不及鍛合但刮石上取細末傳之亦効採無時

別說云

圖經玉石

中品有花藥石一種主治與此同是一物

石蠶無毒主金瘡止血生肌破石淋血結摩服之當

下碎石生海岸石傍狀如蠶其實石也

今附臣禹錫等謹按藥錄云石

蠶味苦熱有毒

石腦油主小兒驚風化涎可和諸藥作丸服宜以瓷器貯之不可近金銀器雖至完密直爾透之道家多

用俗方亦不甚須定

圖經文具鍾乳石條下

白瓷瓦屑平無毒主婦人帶下白崩止嘔吐破血止

血水摩塗瘡滅癥定州者良餘皆不如唐本先附

經驗後方治鼻衄久不止定州白瓷瓦細搗研梅師方治

面目卒得赤黑丹如疥狀不急治偏身即死若白丹者方取白瓷瓦末猪脂和塗之

烏古瓦寒無毒以水煮及漬汁飲止消渴取屋上年


深者良唐本先附呂禹錫等謹按藥性論云烏古瓦亦可單用煎湯服解人中太熱日華子云冷并止小便煎汁

服之

陳藏器主湯火傷當取土底深者既古且潤二角瓦子灸

三角瓦上灸之

潞州不灰木



不灰木大寒主熱痺瘡和棗葉石灰為粉傅身出上

黨如爛木燒之不然石類也

附今

圖經曰

不灰木出上黨今澤潞山中皆有之蓋石類也其色青白如爛木燒之不然以此得名或云滑石之根也

出滑石處皆有亦名無灰木採無時今處州山中出一種松石如松幹而實石也或云松久化為石人家多取以飾山亭及琢

爲枕雖不入藥然與
不灰木相類故附之


合陳藏器

要燒成灰即研破以牛乳煮了便燒黃牛
糞燒之成灰中和二年於李宗處見傳



鏡源

云不灰木
煑汞

氣砂



鵬砂



蓬砂味苦辛暖無毒消痰止咳破癥結喉痺及鍍金

銀用或名鵬砂新補見日華子

圖經文具硯砂條下

八釵霜冷無毒消痰止驚悸解酒毒療腎膈煩悶中風

痰實止渴新補見日華子

圖經文具鉉條下

簡要濟眾治室女月露帶滋心煩恍惚鉉白霜細研為散每服一錢溫地黃汁一合調下生乾地黃煎湯

十全博救治鼻衄方鉉白霜為末取新汲水調一字

古文錢平治醫障明目療風赤眼鹽酒浸用婦人橫



逆產心腹痛月膈五淋燒以醋淬用新補見日華子

圖經文具鉉條下

陳藏器云大錢銀注中陶云不入用按錢青者是大錢煮汁服主五淋磨入目主盲障膏赤和薏苡以根煮服

主心腹痛煮比輪錢以新汲水投服之又主時氣含青錢又主口內熱瘡以二十文燒令赤投酒中服之立差又主婦人橫產

越州蛇黃



蛇黃主心痛症忤石淋產難小兒驚癇以水煮研服

汁出嶺南蛇腹中得之圓重如錫黃黑青雜色

今注蛇黃

多赤色有吐出者野人或得之唐本先附臣禹錫等謹按曰華子云冷無毒鎮心如入藥燒赤三四次醋淬飛研用之

圖經曰蛇黃出嶺南今越州信州亦有之本經云是蛇腹中得之圓重如錫黃黑青雜色注云多赤色有吐出者

野人或得之今醫家用者大如彈丸堅如石外黃內黑色二月採云是蛇冬蟄時所含土到春發蟄吐之而去與舊說不同未

知孰是

三十五種陳藏器餘

玉井水味甘平無毒又服神仙令人體潤毛髮不白
出諸有玉處山谷水泉皆有猶潤於草木何況於人
乎夫人有髮毛如山之草木故山有玉而草木潤身
有玉而毛髮黑異類云崑崙山有一石柱柱上露盤
盤上有玉水溜下土人得一合服之與天地同年又
太華山有玉水人得服之長生玉既重寶水又靈長
故能延生之望今人近山多壽者豈非玉石之津乎
故引長為玉證

碧海水味鹹小温有少毒煮浴去風瘙疥癬飲一合
吐下宿食臏脹夜行海中撥之有火星者鹹水色既
碧故云碧海東方朔十洲記云

千里水及東流水味甘平無毒主病後虛弱湯之萬過
煮藥禁神驗二水皆堪盪滌邪穢煎煮湯藥禁呪鬼
神潢汙行潦尚可薦羞王公况其靈長者哉蓋取其
潔誠也本經云東流水爲雲母所畏煉雲母用之與
諸水不同即其効也

秋露水味甘平無毒在百草頭者愈百疾止消渴令
人身輕不飢肌肉悅澤亦有化雲母成粉朝露未晞
時拂取之栢葉上露主明目百花上露令人好顏色
露即一般所在有異主療不同

甘露水味甘美無毒食之潤五藏長年不飢神仙緣
是感應天降祐兆人也

繁露水是秋露繁濃時也作盤以收之前煎令稠可食

之延年不飢五月五日取露草一百種陰乾燒爲灰
和井花水重煉令白醎醋爲餅腋下挾之乾即易主
腋氣臭當抽一身間瘡出即以小便洗之續齊諧記
云司農鄧沼八月朝入華山見一童子以五絲囊承
取栢葉下露露皆如珠云赤松先生取以明目今人
八月朝朝作露華明像此也漢武帝時有吉雲國吉
雲草食之不死日照草木有露著皆五色東方朔得
玄露青黃二露各盛五合帝賜群臣老者皆少病者
皆除東方朔曰日初出處露皆如糖可食漢武帝洞
冥記所載今時人煎露亦如糖久服不飢呂氏春秋
云水之美者有三危之露爲水即味重於水也
六天氣服之令人不飢長年美顏色人有急難阻絕

之處用之如龜蛇服氣不死陽陵子明經言春食朝
露日欲出時向東氣也秋食飛泉日欲沒時向西氣
也冬食沆瀣北方夜半氣也夏食正陽南方日中氣
也并天玄地黃之氣是爲六氣亦言平明爲朝露日
中爲正陽日入爲飛泉夜半爲沆瀣及天地玄黃爲
六氣皆令人不飢延年無疾昔人有墮穴中穴中有
蛇蛇每日作此氣服之其人旣見蛇如此依蛇時節
飢時便服又即做蛇日日如之經久漸漸有驗即體
輕健似能輕舉啓蟄之後人與蛇一時躍出焉
梅雨水洗瘡疥滅癩痕入醬令易熟沾衣便腐澣垢
如灰汁有異他水江淮已南地氣卑濕五月上旬連
下旬尤甚月令土潤溽暑是五月中氣過此節已後

皆須曝書漢崔寔是七夕暴書阮咸焉能免俗蓋此謂也梅沾衣皆以梅葉湯洗之脫也餘並不脫

醴泉味甘平無毒主心腹痛疰忤鬼氣邪穢之屬並就泉空腹飲之時代升平則醴泉涌出讀古史大有此水亦以新汲者佳止熱消渴及反胃腹痛霍亂為上

甘露蜜味甘平無毒主胃膈諸熱明目止渴生巴西絕域中如錫也

漢武帝

立金莖作仙人掌承露盤取雲表之露服食以求仙

冬霜寒無毒團食者主解酒熱傷寒鼻塞酒後諸熱面赤者

電主醬味不正當時取一二升醬甕中即如本味也

溫湯主諸風筋骨攣縮及皮頑痺手足不遂無眉髮
疥癬諸疾在皮膚骨節者入浴浴乾當大虛憊可隨
病與藥及飯食補養自非有佗病人則無宜輕入又
云下有硫黃即令水熱硫黃主諸瘡病水亦宜然水
有硫黃臭故應愈諸風冷爲上當其熱處大可燐猪
羊

夏冰味甘大寒無毒主去熱煩熱熨人乳石發熱腫
暑夏盛熱食此應與氣候相反便非宜人或恐入腹
冷熱相激却致諸疾也食譜云凡夏用冰正可隱映
飲食令氣冷不可打碎食之雖復當時暫快久皆成
疾今冰井西陸朝覲出之頒賜官宰應悉此淮南子
亦有作法又以凝水石僞之皆非正冰也

諸方水味甘寒無毒主明目定心去小兒熱煩止渴
方諸大蚌也向月取之得三二合水亦如朝露陽燧
向日方諸向月皆能致水火也周禮明諸承水於月
謂之方諸陳饌明水以爲玄酒酒水也

乳穴中水味甘溫無毒久服肥健人能食體潤不老
與乳同功近乳穴處人取水作食釀酒則大有益也
其水濃者秤重他水煎上有鹽花此真乳液也所爲
穴中有魚出魚部中

水花平無毒主渴遠行山無水處和苦楛萋爲丸朝
預服二十九丸永無渴亦入殺野獸藥和狼毒皂莢礬
石爲散指安獸食餘肉中當令不渴渴恐飲水藥解
名水沫江海中間久沫成乳石故如石水沫猶軟者

是也

赤龍浴水小毒主瘕結氣諸瘕惡蟲入腹及咬人生瘡者此澤間小泉赤蛇在中者人或遇之經雨取水服及人浴蛇有大毒故以爲用也

糧鬻中水味辛平小毒主鬼氣中惡症忤心腹痛惡夢鬼神進一合多飲令人心悶又云洗眼見鬼未試害虬蟲其清澄久遠者佳古塚文云遮留餘節瓜表遺犀言此一物不爛餘皆成水北人呼糧鬻爲食鬻也

甌氣水主長毛髮以物於炊飯時承取沐頭令髮長密黑潤不能多得朝朝梳小兒頭漸漸覺有益好
好井水及土石間新出泉水味甘平無毒主霍亂煩

悶嘔吐腹空轉筋恐入腹及多服之名曰洗腸人皆懼此嘗試有效不令腹空空則更服如遇力弱身冷則恐藏胃悉寒寒則不能支持當以意消息兼及當時橫量灸脊骨三五十壯令暖氣徹內補胃氣間不然則危又主消渴反胃熱痢淋小便赤澀兼洗漆瘡射癰腫令散久服調中下熱氣傷胃利大小便並多飲之令至喉少即消下

正月雨水夫妻各飲一盃還房當獲時有子神効也生熟湯味鹹無毒熬鹽投中飲之吐宿食毒惡物之氣臏脹欲爲霍亂者覺腹內不穩即進一二升令吐得盡便愈亦主痰瘧皆須吐出痰及宿食調中消食又人大醉及食瓜果過度以生熟湯浸身湯皆爲酒

及菰味博物志云浸至腰食菰可五十枚至脛頸則無限未試

屋漏水主洗犬咬瘡以水澆屋簷承取用之以水滴簷下令土濕取土以傅犬咬處瘡上中大有毒誤食必生惡疾

三家洗椀水主惡瘡久不差者煎令沸以鹽投中洗之不過三五度立効

蟹膏投漆中化爲水仙人用和藥博物志亦載又蚯蚓破之去泥以鹽塗之化成水大主天行諸熱小兒熱病癩癩等疾新注云塗丹毒并傅漆瘡効

猪槽中水無毒主諸蠱毒服一盃主蛇咬可浸瘡皆有効驗者矣

市門衆人溺坑中水無毒主消渴重者取一小盞服之勿令病人知之三度差

鹽膽水味鹹苦有大毒主蠶蝕疥癬癩蟲咬馬牛爲蟲蝕毒蟲入肉生子毒六畜飲一合當時死人亦如之並鹽初熟槽中漉黑汁也主瘡有血不可傳也

水氣有毒能爲風濕疼痺水腫面黃腹大初在皮膚脚手入漸至六府令人大小便澀至五藏漸漸加至忽攻心便死急不旋踵無寬延歲月既是陰病復宜以陰物生類諸猪魚螺蟹之屬春夏秋宜瀉冬宜補藥尤宜浸酒中服之隨陰陽所行者昔馬援南征多載薏苡仁閔叔留寓常食猪肝蓋以爲濕疾也江湖

癥此三疾俱是濕爲能與人作寒熱消鑠骨肉南土尤甚若欲醫療須細分析其大略皆瘴類也人多一槩醫之則不差也

塚井中水有毒人中之者立死欲入塚井者當先試之法以雞毛投井中毛直而下者無毒毛迴旋而舞似不下者有毒以熱醋數斗投井穴中則可入矣凡塚井及竈中從夏至秋毒氣害人從冬至春則無毒氣凡秋露春水著草水亦能害人冬夏則無人素爲物所傷并有諸瘡觸犯毒露及毒水覺瘡頑不痒痛當中風水所爲身必反張似角弓主之法以鹽豉和麩作椀子蓋瘡上作大艾炷灸一百壯令抽惡水數升舉身覺痒瘡處知痛差也

陰地流泉二月八月行途之間勿飲之令人夏發瘡
瘡又損脚令軟五月六月勿飲澤中停水食著魚鱉
精令人驚癡病也

銅器蓋食器上汗滴食中令人發惡瘡內疽食性忌
之也

炊湯經宿洗面令人無顏色洗體令人成癬未經宿
者洗面令人亦然

諸水有毒水府龍宮不可觸犯水中亦有赤脉不可
斷之井水沸不可食之已上並害人東晉温嶠以物
照水爲神所怒楚詞云鱗屋貝闕言河伯所居國語
云季桓子穿井獲土缶仲尼曰水之怪魍魎土之怪
羶羊水有脉及沸並見白澤圖

經史證類大全本草卷之五